

四庫全書

史部

欽定四庫全書

史部

御批資治通鑑卷四十

詳校官修撰臣錢榮

編修臣程嘉謨覆勘

總校官降調編修臣倉聖脉

校對官中書臣宋枋遠

謄錄監生臣陳熙

欽定四庫全書

御批資治通鑑綱目卷四十

起辛丑唐太宗貞觀十五年  
盡辛酉唐高宗龍朔元年

凡二十一年

辛丑

十五年春正月以文成公主嫁吐蕃

吐蕃復遣其相祿東贊來請昏上嘉其善應對欲以  
琅邪公主外孫段氏妻之辭曰臣國中有婦父母所以  
聘不可棄也且贊普未得謁公主陪臣何敢先娶上  
益賢之然欲撫以厚恩竟不從其志命江夏王道宗  
持節送文成公主于吐蕃贊普大喜慕中國衣服儀  
衛之美為公主別築城郭宮室而處之其國人皆以  
赭塗面公主惡之贊普禁之亦漸革其猜暴之性遣  
子弟入國學受詩書胡氏曰祿東贊雖夷狄然知敬

父母之命守伉儷之情則當聽其義成其美乃集覽  
中國禮義之教矣欲撫以厚恩者獨無他道乎  
伉儷之情伉儷敵也配偶  
也左傳不能庇其伉儷  
琅邪郡名注見漢光武建武五年公主高祖之女段  
綸之妻注見晉安帝隆安五年陪臣注見漢武帝元  
朔二年文成郡名注見  
陳宣帝大建五年定陽

書法

前書吐蕃寇松州矣其敗之其請昏皆不書  
特書以公主嫁吐蕃何病唐也唐世以是為

撫戎之長策不復知昏非類忘讐耻之  
為可辱矣不書請昏所以深病之也

發明

自漢高祖誤聽婁敬之言結昏匈奴後世遂  
以為常而不之耻然是時中國甫定瘡痍未

瘳冒頓方強邊陲屢警漢祖不修文學不知禮義  
之所自出故婁敬得入其說以為一時權宜之舉



唐太宗聰明冠古動以帝王為法況今中國方強  
四夷欽衽聽命之不暇大非漢初之比胡為反襲  
其跡而不知耻哉自是而後遂為唐家故事不可  
復止是皆失於貽謀之不善也綱目於漢止書遣  
妻敬往結和親則見其有不得已之意於唐直書  
以文成公主嫁吐蕃則見其權出於已得已而不  
已之意其罪唐  
為可知矣惜哉

如洛陽宮考異

如上漏  
帝字

○夏四月詔以來年二月有事

於泰山質實

泰山注見秦始  
皇二十八年

○命太常博士呂才刊定

陰陽雜書

上以近世陰陽雜書訛偽尤多命太常博士呂才刊  
定上之才皆為之叙實以經史其序宅經曰近世巫

現妄分五姓如張王為高武庾為羽似取諧韻至於以柳為宮以趙為角又復不類或同出一姓分屬官商或複姓數字莫辨徵羽此則事不稽古義理乖僻者也叙祿命曰祿命之書多言或中人乃信之然長平坑卒未聞共犯三刑南陽貴士何必俱當六合今亦有同年同祿而貴賤懸殊共命共胎而夭壽更異此皆祿命不驗之著明者也其叙葬曰古者卜葬蓋以朝市遷變泉石交侵不可前知故謀之龜筮近代或選年月或相墓田以為窮達壽夭皆因卜筮所致按禮天子諸侯大夫葬皆有月數是古人不擇年月也春秋九月丁巳葬定公雨不克葬戊午日下是乃克葬是不擇日也鄭葬簡公墓之室當路毀之則朝而窆不毀則日中而窆子產不毀是不擇時也古之葬者皆於國都之北兆域有常處是不擇地也今以妖巫妄言遂於擗踊之際擇地選時以希富貴或云辰日不可哭泣遂荒阡而對弔客或云同屬忌於

臨擴遂吉服不送其親傷教敗  
禮莫斯為甚識者以為確論  
集覽 長平坑卒秦將

軍長平秦殺其將趙括坑其降卒四十萬事在周報

王五十五年南陽賁士漢光武時彭寵李通鄧晨來

歟鄧禹岑彭賈復吳漢陳俊任光朱祐杜茂馬成馬

武劉隆韓歆趙熹張堪馮魴蔡少公李軾李守尹敏

等皆南陽人並貴士也司墓之  
質實 呂才博州清平

室鄭掌公墓大夫徒屬之家  
人巫覡注見漢

隱帝乾祐三年龜筮龜注見漢武帝元平元年筮櫟

著以占也擗踊注見宋孝武帝大明六年莞爾小笑

貌

五月有星孛于太微詔罷封禪質實  
星孛于太微星孛  
注見漢後主建興

十四年太微注見  
漢景帝後三年

從諸遂良之請也

書法

書罷封禪何譏也罷之矣何譏焉罷以星變則可譏矣綱目書罷封三太宗之封泰山以

星字罷

是年

高宗之封嵩山

以有疾罷

弘道元年

玄宗之封西嶽以祠災罷

目書字

五十三

詳漢王

邦三年

舍是無書者矣

天寶九載

皆譏也終綱

起復于志寧為太子詹事

詹事于志寧遭母喪起復舊職太子治宮室妨農功好鄭衛之樂寵昵宦官役使司馭不許分番私引突厥入宮志寧上書切諫太子大怒遣刺客張師政紇干承基殺之二人入其第見志寧寢處苦塊竟不忍殺胡氏曰太子之於詹事學為父子馬學為君臣馬太宗使志寧輔導太子而奪其喪豈其未之思歟然

志寧不能力辭乃以無事之時從金草之例冒哀居官則何以訓太子乎宜太子之不納其諫也然太子之欲殺志寧則是刺客之不如矣其不能終宜哉

**集覽** 奪其喪記雜記君子禮也又亦不可奪喪也注不可以輕之於已也以無事之時從金草之例謂于志寧遺母喪而起復為太子詹事不可與從金革危急之事一例論也金草之事注見晉元帝永昌元年又注見唐德宗貞元十三年

**質實** 詹事官名注見高祖武德七年寢處苦塊注見陳宣帝大建六年

### 書法

未有書起復者據袁粲不書書起復何譏也非有金革之事奪人之喪自奪其喪皆非矣

故雖以舊職起復而書若新職者所以志其非金革也書起復始此終綱目書起復七是年于志寧

立宗開元二十一年張九齡德宗貞元十三年張茂宗憲宗元和四年盧從史長慶元年田布昭宗

天復二年韋貽範五代代申年史  
弘掌皆譏也免者其惟田布乎

發明

志寧奪喪處職而苦塊自若則是未當免喪也故書起復志寧而不書志寧起復則罪太

宗之意為多而罪志寧之意為少然志寧既知其非禮曷若堅辭不就則免君子之譏矣

西突厥吐陸可汗殺沙鉢羅可汗○遣職方郎中陳大德使高麗

大德初入其境欲知山川風俗所至城邑以綾綺遺其守者遂得遊歷見中國人隋末從軍沒於高麗者因問親戚存沒大德曰皆無恙咸涕泣相告數日後隋人望之而哭者徧於郊野大德歸言於上上曰高麗本四郡地耳吾發卒數萬取之不難但山東州縣彫瘵未復吾不欲勞之耳范氏曰大德出使絕域當

布宣德澤以懷遠人使聲教所及無思不服而質實

以賂遺詭詐為謀於外國失使之職豈不辱乎  
高麗東胡國名注見漢武帝元封二年朝  
鮮山東道名注見宋文帝元嘉二十五年

書法

使書名美也此其美之歟譏也然則其具官

何若曰以職方出使而賂遺詭詐以為間於  
外國非使人之體矣故太宗征遼之舉者大德也  
故書譏之終綱目使書名三十二詳漢高帝五年

冬十一月以李世勣為兵部尚書

并州長史李世勣在州十六年令行禁止民夷懷服  
上曰隋煬帝勞百姓築長城以備突厥卒無所益朕  
惟置李世勣於晉陽而邊塵不驚  
其為長城豈不壯哉因有是命  
質實并州注見齊

年晉陽縣名注見周  
威烈王二十三年

薛延陀攻突厥遣李世勣等將兵討破之考異

討當作擊考

證

世勣當去世字討當作擊

薛延陀真珠可汗聞上將東封曰天子封泰山邊境必虛我以此時取思摩如拉朽耳乃命其子大度設發諸部兵合二十萬擊突厥思摩不能禦帥部落入長城保朔州遣使告急詔遣世勣等分道擊之諸將辭行上戒之曰薛延陀負其彊盛踰漠而南行數千里馬已疲瘦見利不能速進不利不能速退吾已救思摩燒薊秋草彼糧糗日盡野無所獲卿等俟其將退與思摩一時奮擊破之必矣十二月世勣敗薛延陀於諾真水斬首三千餘級捕虜五萬餘人大度設脫身走值大雪人畜凍死者什八九世勣還軍定襄

集覽

燒薊薊謂迫也莫草也雖他計反又直履反

注質實



一統志云長城在大同府北一十里秦築土色皆紫又曰紫塞朔州注見漢高帝六年馬邑定襄縣名注

見晉懷帝

永嘉六年

書法

夷蠻相攻恒也擊之過矣書討何思摩唐所立也延陀既奉詔矣於是又違詔而攻之則

罪也故書討

壬寅十六年春正月魏王泰上括地志

泰好學司馬蘇勗說泰以古之賢王皆招士著書故泰奏請脩括地志於是大開館舍門庭如市至是上之○泰月給踰於太子諸遂良上疏曰聖人制禮庶子雖愛不得踰嫡所以塞嫌疑之漸除禍亂之源也若當親者疎當尊者卑則佞巧之姦乘機而動矣今魏王新出閣宜示以禮上從之上又令泰徙居武德

殿魏徵曰此殿海陵昔嘗居之陛下愛魏王常欲使之安全宜每抑其驕奢不可處之嫌疑之地上遽遣泰歸質實海陵縣名注見周世宗顯德五年第齊王元吉伏誅諡為海陵王故云

書法

獻文不書此何以書譏寵過也於是泰請招士著書門庭如市奪嫡之志此其漸矣故特

之書

徙死罪者實西州質實

西州注見齊明帝建武四年高昌

○括浮民附

籍○以岑文本專知機密

書法

專知機密何譏也國家機密凡腹心大臣皆與知之梁書朱异掌機政甲辰年唐書岑文

本專知機密是年皆譏也

○夏六月詔太子用庫物有司勿為限制

詔太子用庫物有司勿為限制於是太子發取無度左庶子張玄素上太子書曰恩旨未踰六旬用物已過七萬驕奢之極孰云過此苦藥利病苦言利行伏惟居安思危日慎一日太子惡之全戶奴陰伺擊之幾斃胡氏曰按周官內府膳夫酒正有王及后世子不會之文以愚度之非武王周公之法也夫日用之切身者莫大乎膳服而易以溺人者莫若酒今以尊貴之故惟意所取不限多少則珠襦玉食長夜之飲由此起矣豈聖人節以制度自家刑國之道哉或者以為冢宰之職量入為出得以九式佐王均節財用是以雖曰不會而會在其中特不使有司以法沮止若自下而制上者耳是或一說也太宗之詔蓋不考於此而失之諸賢在朝質實不會之文禮天官膳夫亦不聞以為不可何哉

質實

不會之文禮天官膳夫歲終則會惟王及后世

子之膳不會酒正唯王及后之飲酒不會外府唯王及后之服不會注不會計多少優尊者其頒賜諸臣則計之也會古外反九式佐王禮天官大宰以九式均節財用一曰祭祀之式二曰賓客之式三曰喪荒之式四曰羞服之式五曰工事之式六曰幣帛之式七曰芻秣之式八曰匪頒之式九曰好用之式注式謂用財之節度也均節質實冢宰官名注見陳之使無有餘不足之患宣帝大建九年

書法

承乾不子太宗有以啟之矣故謹書之

發明

漢武帝誤用公羊復讐之說而窮征伐王安石誤用國服取民之說而行青苗知好古而

不能用古其弊必至於此夫貴不與驕期而驕自至富不與奢期而奢自至歟歲之粟如金樂歲之粟如土人之情見有餘則必不顧惜見不足則必裁約之況乎志欲無涯苟非有以搏節而限制之

則亦何所不至賢如太宗乃過愛其子至詔有司用物勿為限制此則誤用周官世子不會之說也彼承乾者德性非良一承此旨是納之於奢侈縱欲之域耳夫六典之書其可用於後世者尚多太宗未能舉行一二乃獨取其不會之說以陷乃子於過惡之地此則不善用聖經之過也綱目於此時以詔太子書之言詔則責有所歸矣惜哉

秋七月以長孫無忌為司徒房玄齡為司空○九月以魏徵為太子太師

初魏徵有疾上手詔問之且言不見數日朕過多矣若有聞見可封狀進來徵上言比者弟子陵師奴婢忽主下多輕上漸不可長又言陛下臨朝常以至公為言退而行之未免私僻或畏人知橫加威怒欲蓋

彌彰竟有何益徵宅無堂上命輟小殿之材以構之  
五日而成仍賜以素屏褥几杖等以遂其所尚徵上  
表謝上手詔曰處卿至此蓋為黎元與國家何事過  
謝會上問侍臣以國家急務諸遂良曰太子諸王宜  
有定分此為最急時太子承乾失德魏王泰有寵羣  
臣日有疑議故遂良對及之上乃曰方今羣臣忠直  
無踰魏徵我遣傳太子用絕天下之疑乃以徵為太  
子太師徵以疾辭上曰知公疾病可卧獲之徵乃受  
詔范氏曰太子魏王方爭羣臣有黨太宗使徵為太  
子師以重太子也不聞告其君以嫡庶之別訓太子  
以禍敗之戒處父子兄弟危疑之際依違而已豈其  
疾之毫乎卒之身沒而見疑讒人得以間之惜哉○  
上嘗謂侍臣曰朕雖平定天下其守之甚難徵對曰  
臣聞戰勝易守勝難陛下之言及此宗廟社稷之福  
也○上嘗問徵比來朝臣殊不論事何也對曰陛下  
虛心采納必有言者凡臣徇國者寡愛身者多彼畏

罪故不言耳。○房玄齡高士廉遇少府少監竇德素於路問北門近何營繕德素奏之上怒讓玄齡等曰君但知南牙政事北門小營繕何預君事玄齡等拜謝魏徵進曰玄齡等為陛下股肱耳目於中外事豈有不應知者使所營是則當助成之非則當請罷之不知何罪而責亦何罪而謝也上甚愧之○上嘗問侍臣曰或君亂而臣治或君治而臣亂孰愈魏徵對曰君治則善惡明賞罰當臣安得而亂之苟為不治縱暴悞諫雖有良臣將安所施上曰齊文宣得楊遵彥非君亂而臣治乎對曰彼纔能救亡耳烏足為治哉

**集覽** 欲蓋彌彰左傳昭三十一年欲蓋而名章言為惡者欲掩蓋其名而名反彰露也北門唐分官寺為北司故稱北門南牙唐分宰相為南司故稱南牙

**質實** 齊文宣名洋神廟號文宣帝

## 西突厥寇伊州安西都護郭孝恪擊敗之

西突厥咄陸可汗既并沙鉢羅之衆自恃疆大遣兵寇伊州郭孝恪擊敗之初高昌既平歲發兵千餘人戍守其地褚遂良上疏曰陛下取高昌調人屯戍破產解裝死亡者衆設使張掖酒泉有烽燧之警陛下豈得高昌一夫斗粟之用終當發隴右諸州兵食以赴之耳然則河西者中國之心腹高昌者他人之手足奈何廉弊本根以事無用之土乎願擇高昌子弟使君其國永為藩輔內安外寧不亦善乎上弗聽及是上悔之曰魏徵褚遂良勸我復立高昌吾不用其言今方自咎耳范氏曰有國者喪師之禍小而或以窮得地之禍大而或以亡是故先王患德之不足而不患地之不廣患民之不安而不患兵之不彊封域之外聲教所不及者不以煩中國也太宗不從實寶忠諫卒自咎悔況不若太宗之彊盛而可為乎



安西都護注見高宗永淳元年伊州注見漢明帝永  
平十六年高昌西域國名注見齊明帝建武四年張  
掖郡名注見晉安帝隆安元年酒泉郡名注見漢武  
帝元朔三年烽燧注見齊高帝建元四年隴右郡名  
注見秦王政三年隴西河西  
郡名注見漢安帝元初元年

# 西突厥咄陸可汗為其下所逐遣使立射匱可汗

西突厥咄陸可汗擊破米國不分虜獲與其下又斬  
其將泥孰啜泥孰啜部將胡祿屋襲擊之咄陸走保  
白水胡城所部詣闕請廢之更立可汗上遣使立莫  
賀咄之子為乙毗射匱可汗帥諸部擊咄陸咄陸敗  
之使人招其故部落皆曰使我千人戰死一人獨集  
存亦不汝從咄陸自知不為衆所附乃奔吐火羅  
**覽**米國唐國之支庶王者吐火羅西域國居**正誤**米  
蔥嶺西古大夏之地元魏時號吐呼羅

今按隋書米國都那密水西舊康居之地其姓昭武康國王之支庶唐書同集覽刊誤作唐國

冬十月郢公字文士及卒質實

郢縣名注見周赧王三十六年

上嘗止樹下愛之士及從而譽之不已上正色曰魏徵嘗勸我遠佞人我不知佞人是誰意疑是汝今果不謬士及叩頭謝至是卒諡曰縱范氏曰大禹曰何畏乎巧言令色孔壬孔子曰佞人殆夫佞人者止於諛悅順從而已而近之必至於殆何也彼佞人者不知義之所在而惟利之從故也利在君父則從君父利在權臣則附權臣利在敵國則交敵國利在戎狄則親戎狄忠臣則不然從義而不從君從道而不從父使君不陷於非義父不入於非道故雖有所不從將以處君父之安也君有不義不從也而況於權臣乎父有不道不從也而況於他人乎古之佞者其始未必有悖逆之心及其患失則無所不至故終至於

弑君而亡國是故堯舜畏之而孔子以為殆人君可不遠之乎

**書法**

裴寂書卒而已士及佞人也具官卒之何見帝之寵愛終其身也是故譏寡恩則裴寂止

書卒而不為貶譏寵佞則士及具官卒而不為褒綱目之旨深矣

**發明**

當時佞人如封倫裴寂輩卒綱目皆削其官今士及乃獨書爵何耶士及之佞太宗亦既知之乃不能斥而遠之故綱目於其卒也反書其爵以著太宗不能去佞之失此正古人所謂惡惡不能去者夫豈以是予士及哉綱目之微詞與義如此要在觀者深考而默察之則得矣

**許以新興公主嫁薛延陀**

上謂侍臣曰薛延陀屈強莫比今御之有二策苟非發兵殄滅之則與之婚姻以撫之耳房玄齡對曰兵

凶戰危臣以爲和親便先是契苾何力歸省其母於涼州會契苾部落皆欲歸薛延陀何力不可部落執之以降何力拔佩刀東向大呼曰豈有大唐烈士而受屈虜庭因割左耳以自誓上聞契苾叛曰何力心如鐵石必不叛我會使者自薛延陀來具言其狀上即命兵部侍郎崔敦禮持節使薛延陀許以新興公主妻之以求何力實涼州注見中宗景龍二年崔力何力由是得還敦禮咸陽人新興縣名注見梁武帝大同七年

書法

綱目書以公主嫁外國九詳漢景帝五年末有書許以者此其書何許嫁非請也據高祖

武德

八年西突厥請昏許之無故而許之無故而

絕之帝之失大矣故下書薛延陀來納幣詔絕其

昏皆譏

失信也

十一月高麗泉蓋蘇文弑其王建武

高麗東部大人泉蓋蘇文凶暴多不法其王及大臣  
議誅之蓋蘇文知之勒兵盡殺諸大臣因馳入官手  
弑其王立王弟子藏為王自為莫離支其官如中國  
吏部尚書也蓋蘇文狀貌雄偉意氣豪逸身佩五刀  
左右莫敢仰視亳州刺史裴思莊奏請伐高麗上曰  
高麗職貢不絕為賊臣所弑朕甚哀之但山東彫弊  
吾未忍言  
用兵耳

集覽

泉蓋蘇文蓋蘇文或號蓋金自云生  
水中以感人故姓泉氏蓋音公蓋反

質實

亳州注見漢獻  
帝建安十五年

書法

夷蠻書殺建武書弑何進建武也先是建武  
奉詔遣還中國人俘前後萬數且又請頒唐

曆武德中嘉其恭順賜冊封之則唐  
藩也亦不可以夷蠻治之矣故特書弑

# 廣州都督党仁弘有罪徙欽州

高祖之入關也党仁弘將兵有功其後歷官所至有聲迹至是為廣州都督坐職當死上欲宥之召五品以上謂曰法者人君所受於天不可以私今朕私党仁弘而欲赦之是自亂其法上負於天欲席藁於南郊三日日一進蔬食以謝罪羣臣以為自貶太過頓首固請上乃降手詔曰朕有三罪知人不明一也以私亂法二也善善未賞惡惡未誅**集覽**善善未賞惡三也於是黜仁弘為庶人徙欽州惡未誅上善字美之也上惡字憎疾之也韻會毛詩曰凡善惡之善則上聲彼善而善之則去聲孟子王如善之是也又詩善善之功上字亦去聲國語云齊桓公之郭問父老曰郭何故亡對曰郭公善善而惡惡也桓公曰若子之言則賢君也何至於亡父老曰善善而不能用所以亡也公羊傳昭二十年君子之善善也長惡

惡也短惡惡止其身善善及子孫  
注惡惡並如字一讀上惡烏路反  
**質實** 廣州注見秦

年南海席葉注見梁武帝普通六  
年欽州注見隋文帝開皇十七年

## 十二月獵于驪山考異

獵上渴  
帝字

上獵于驪山登山見國有斷處顧謂左右曰吾見其  
不整而不刑則墮軍法刑之則是吾登高臨下以求  
人之過也乃託以道  
**質實** 驪山注見秦始  
險引轡入谷以避之  
皇三十七年

### 書法

義存厚也帝於是三書獵矣終綱目書獵十  
有三詳周顯王十四年漢桓帝居其三唐太

宗居其三後唐莊宗居  
其三惟太宗非譏辭

## 詔議反逆緣坐律

刑部以反逆緣坐律凡弟沒官為輕請改徙死救八  
座議之議者皆以為秦漢之法反者族夷宜如刑部  
之請給事中崔仁師駁曰古者父子兄弟罪不質實  
相及奈何以亡秦酷法變隆周中典上從之

質實

八座官官注  
見貞觀十年

癸卯

十七年春正月鄭公魏徵卒考異

當分註  
諡文貞

魏徵寢疾上與太子同至其第指衡山公主欲以妻  
其子叔玉徵薨命百官赴喪給羽葆鼓吹陪葬昭陵  
其妻裴氏曰徵平生儉素今葬以羽儀非其志也悲  
辭不受以布車載柩而葬上登苑西樓望哭盡哀自  
製碑文并為書石謂侍臣曰人以銅為鏡可以正衣  
冠以古為鏡可以見興替以人為鏡可以知得失魏  
徵沒朕亡一鏡矣

集覽

羽葆注見晉穆帝永和三年昭陵質  
長孫皇后之陵墓在雍州醴泉縣質



實

一統志云衡山古邑名本周廩子國秦屬長沙郡漢為長沙國湘南縣地三國吳置衡陽縣屬衡陽

郡

晉改曰衡山隋以湘西湘鄉二縣省入屬潭州徙治白馬峯下唐復徙治於此屬衡州宋初屬潭州復

屬

衡州後又屬潭州元屬衡州本朝因之屬衡州府鼓吹注見晉武帝太康三年昭陵在西安府醴泉縣

九賸山有廟存焉

## 以張亮為洛州都督

侯君集自以有功而下吏怨望有異志會亮出為洛州君集謂曰我平一國來逢嗔如屋大鬱鬱殊不聊生公能反乎與公反亮密以聞上曰卿與君集皆功臣語時旁無他人若下吏君集必不服卿且勿言待

君集如故質實

張亮鄭州滎陽人洛州注見秦莊襄王元年三川

圖功臣於凌煙閣

上命圖畫功臣長孫無忌趙郡王孝恭杜如晦魏徵  
房玄齡高士廉尉遲敬德李靖蕭瑀段志玄劉弘基  
屈突通殷聞山柴紹長孫順德張亮侯君集張公謹  
程知節虞世南劉政會唐儉李世勣秦叔寶等於凌  
煙閣質實一統志云凌煙閣在西安府城中唐之西內  
閣太極殿之東乃太宗所建圖畫功臣二十四

人於  
上

書法

十八學士圖像文學館不書此何以書錄功  
臣也是故麒麟圖功臣則書漢宣帝甘露三

年雲臺圖功臣則書漢明帝永平三年凌煙圖功  
臣則書是年終綱目書圖功臣三舍是無書者矣

齊州都督齊王祐反伏誅

祐性輕躁昵近羣小好畋獵長史權萬紀驟諫不聽  
恐并獲罪乃條祐過失迫令表首上以教書戒之祐  
大怒曰長史賣我以為功必殺之萬紀拘持祐益急  
不聽出城門悉解縱鷹犬勅其左右數十人上遣使  
接之詔祐入朝祐殺萬紀驅民入城繕甲兵樓堞詔  
發兵討之賜手敕曰吾常戒汝勿近小人正為此耳  
兵未至齊府兵曹杜行敏等執祐送京師賜死上檢  
祐家文疏得記室孫處約諫書嗟賞之累遷中書舍  
人質實

齊州注見漢景帝三年濟南京師注見周顯  
王二十五年記室官名注見隋煬帝大業十

三年孫處約  
汝州郟城人

夏四月太子承乾謀反廢為庶人立晉王治為皇太子  
貶魏王泰為東萊郡王

欽定四庫全書

御批資治通鑑綱目

卷四十

十五

太子承乾少有雙疾喜聲色耽獵所為奢靡畏上知之對宮臣常論忠孝或至涕泣退居宮中則與羣小相褻狎宮臣有欲諫者太子揣知其意輒迎拜自責暮亡奴盜民間馬牛親臨烹煮與所幸廝役共食之又效突厥語及服飾飲食謂左右曰一朝有天下當帥數萬騎獵於金城西然後解髮委身思摩若當一設不居人後矣漢王元昌所為多不法上數譴責之由是怨望太子與之甚善朝夕同遊戲大呼交戰擊刺流血以為娛樂嘗曰我為天子極情縱欲有諫者輒殺之不過數百人衆自定矣私幸太常樂重與同卧起上怒殺之太子於宮中構室立像朝夕莫祭稱疾不朝謁者數月魏王泰多能有寵漸有奪嫡之志折節下士以求聲譽上命韋挺杜楚客攝泰府事二人俱為泰要結朋黨太子畏其逼陰養刺客鮒承基等謀殺之吏部尚書庾君集怨望以太子暗劣欲乘釁圖之因勸之反太子大然之厚賂中郎將李安

假使為中訥洋州刺史趙節駙馬都尉杜荷皆預其謀劉贊為誓荷謂之曰天文有變當速發但稱暴疾危為主上必親臨視因茲可以得志會齊王祐反事連承基繫獄當死上變告太子謀反敕大理中書門下奏裁之反形已具上面責承乾承乾曰臣為太子復何所求但為泰所圖時與朝臣謀自安之術不逞之人遂教臣為不軌耳今若泰為太子所謂落其度肉也上乃謂侍臣曰將何以處承乾羣臣莫敢對通事舍人來濟進曰陛下不失為慈父太子得盡天年則善矣上從之詔廢承乾為庶人幽之元昌賜自盡君集安儼節荷等皆伏誅庶子張玄素等以不諫諍免為庶人獨于志寧以數諫見褒君集被收上謂侍臣曰君集有功欲乞其生可乎羣臣不可上乃泣謂之曰與公長訣矣遂斬之而原其妻子上嘗使李靖敕君集兵法君集言於上曰靖將反矣上問其故對曰靖獨敕臣以其粗而匿其精以是知之上以問靖

對曰此乃君集欲反耳今諸夏已定臣之所教足以  
制四夷而君集固求盡臣之術非反而何江夏王道  
宗嘗從容言於上曰君集自負微功耻在房李之下  
以臣觀之必將為亂上不之信至是上乃謝道宗曰  
果如卿言承乾既獲罪魏王泰日入侍奉上面許立  
為太子岑文本劉洎亦勸之長孫無忌固請立晉王  
治上謂侍臣曰昨青雀投我懷云臣今日始得為陛  
下子臣有一子臣死之日當為陛下殺之傳位晉王  
朕甚憐之諫議大夫褚遂良曰陛下失言此國家大  
事存亡所繫願熟思之且陛下萬歲後魏王據天下  
之重肯殺其愛子以授晉王哉陛下前者以嫡庶之  
分不明致此紛紜今必立魏王願先措置晉王始得  
安全耳上流涕曰吾不能也因起入宮魏王泰恐上  
立晉王謂之曰汝與元昌善得無憂乎治憂形於色  
上憐屢問其故治以狀告上慨然始悔立泰之言矣  
上獨留長孫無忌房玄齡李世勣褚遂良謂曰我三

子一弟所為如是我心誠無聊賴因自投于牀袖佩  
刀欲自刺遂良奪刀以授晉王無忌等請上所欲上  
曰我欲立晉王無忌曰謹奉詔上乃使治拜無忌曰  
汝舅許汝矣即御太極殿召羣臣謂曰承乾悖逆泰  
亦凶險諸子誰可立者衆皆譴呼曰晉王仁孝當為  
嗣上悅詔立晉王治為皇太子時年十六謂侍臣曰  
我若立泰則是太子之位可經營而得自今太子失  
道藩王窺伺者皆兩棄之傳諸子孫永為後法且泰  
立則承乾與治皆不全治立則承乾與泰皆無恙矣  
乃降泰爵東萊郡王幽之北苑府僚親狎者皆遷嶺  
表司馬公曰唐太宗不以天下大器私**集覽**思摩十  
其所愛以杜禍亂之原可謂能遠謀矣**三年立**  
為突厥可汗一設突厥別部典兵者曰設中詞訶虛  
正反說文知處告言之又候伺也上變告注見漢高  
帝九年落其度內度達各反計料也**質實**金城郡名  
猶言墮其計中青雀魏王泰小字**質實**注見貞觀

十八年蘭州漢王元昌漢郡名注見周赧王四年元昌高祖之子太宗之弟析節注見周赧王二年杜楚客京兆杜陵人如晦之弟洋州注見梁簡文帝大寶元年西鄉不逞注見梁武帝太清三年不軌注見漢靈帝光和五年來濟江都人護兒之子江夏郡名注見漢後主建興七年鄂州一統志云太極殿在西安府城內即唐西內正殿也唐高祖因隋大興殿改今名乃朔望視朝之所後有兩儀殿則常日聽政之處近又有甘露神龍萬春千秋等殿從容注見秦二世三年東萊郡注見漢安帝永初二年

### 書法

一廢一貶兩棄不立太宗可謂善處矣終綱目書廢太子十有一年周赧王十六年皆無

罪也惟魏太子恂書有罪廢唐太子承乾書謀反廢終綱目書太子反二漢唐承乾

### 發明

人臣無將將則必誅況太子有父之親尤非他臣之比既書謀反則無所逃罪廢之何疑



若魏王泰既不書其罪而亦貶之何也上書廢太子下書貶泰則泰為窺伺覬覦明矣况十四年書幸魏王泰第十六年書泰上括地志則疑駁已有奪嫡之漸太宗於此雖能割愛斷恩然曷若於初而謹之哉惟合綱目前後觀之則太宗之失亦固在其中矣

### 以太子太保蕭瑀詹事李世勣同中書門下三品

詔以長孫無忌為太子太師房玄齡為太傅蕭瑀為太保李世勣為詹事瑀世勣並同中書門下三品同三品自此始又以李大亮于志寧馬周蘇勗高季輔張行成褚遂良皆為僚屬世勣嘗得暴疾方云鬚灰可療上自剪鬚為之和藥又嘗從容謂曰朕求羣臣可託幼孤者無以踰公公往不負李密宜負朕哉世勣流涕辭謝齧指出血○定太子見三師儀迎於殿門外先拜三師答拜每門讓於三師三師坐太子乃

坐其與書前後稱名惶恐○黃門侍郎劉洎言太子  
宜勤學問親師友今入侍宮闈動踰旬朔師保以下  
接對甚希上乃命洎與岑文本褚遂良馬周更詣東  
宮與太子遊○上自立太子遇物則誨之見其飯則  
曰汝知稼穡之艱難則常有斯飯矣見其乘馬則曰  
汝知其勞而不竭其力則常得乘之矣見其乘舟則  
曰水所以載舟亦所以覆舟民猶水也君猶舟也見  
其息於木下則曰木從繩則正后從諫則聖○上疑  
太子柔弱密謂長孫無忌曰雄奴懦弱恐不能守社稷  
吳王恪英果類我我欲立之何如無忌固爭以為不  
可上曰公以恪非己之甥耶無忌曰太子仁厚真守  
文良主儲副至重豈可數易上乃止謂恪曰父子雖  
至親及其有罪則法不可私漢立昭帝燕王不服霍  
光折簡誅之此不可以不戒○上謂羣臣曰吾如治  
年時頗不能循常度治自幼寬厚諺曰生狼猶恐如  
羊冀其稍壯自不同耳無忌對曰陛下神武乃撥亂

之才太子仁恕實守文之德也胡氏曰太宗深知太子懦弱謂無忌黨其甥是也無忌言儲副不可數易亦是也然太宗胡不於廢承乾時熟察諸子而慎選之乃聽無忌而舍吳王至是則不可易矣故曰君子慎始始之不圖終悔無及又曰凡為人謀猶不可不忠況為君父謀乎為君父謀雖薄物細故猶不可不得其當況建太子乎無忌以懿戚居輔相所宜援立英果以靖國家乃私於其甥擁護晉王其意以為晉王既立則可以長保富貴也為國則輕為身則重其不忠莫甚焉然曾不幾何因於誣罔竟被誅絕不能自明於是向之所以自營者適所以自伐集覽太子亦可以為大臣謀國置嗣不忠者之戒矣太子

治小質實

高季輔德州人張行成定州義豐人社稷注見新莽天鳳元年吳王恪太宗之子

初帝納隋煬帝女為妃生恪漢立昭帝燕王不服霍光折簡誅之事在元鳳元年

書法

同三品之名始此

發明

唐之官制定於太宗而亦紊於太宗且唐因隋制於三省官長為宰相其名固已不正然

猶有可稱謂者至於他官叅議朝政叅知政事又益變矣若夫同中書門下三品之稱果何義哉考之唐志蓋以僕射為尚書之長兼同侍中中書令故謂之三品所謂同三品者乃如此其後或不稱同中書門下而止稱同三品或稱仍同三品稱謂日益差外且官品自九至一今宰相乃反同三品母乃淆亂不倫乎孔子謂名不正則言不順其極至於民無所措手足必欲官得其正當自正宰相之名始然後萬務可得而理綱目書同中書門下三品失可知矣安得董正治官之君悲舉而正之

噫哉

六月朔日食質實

日食注見新莽天鳳元年

○遣太常丞鄧素使高

麗

素還請於懷遠戌增兵以逼高麗上曰遠人不服則修文德以來之未聞一二百戌兵能威絕域者也范氏曰太宗之言豈不美哉然非能行之直以鞭折其臣下而已其始不欲增戌而卒親征之不為其小而為其大豈大者足以勝德乎書曰質實懷遠戌注見非知之艱行之維艱太宗之謂矣質實漢武帝元朔九年

高士廉罷仍同三品○詔太子知左右屯營兵馬事

胡氏曰太子奉冢嗣之業歲朝夕視君膳者也君行則守有守則從從曰撫軍守曰監國古之制也東宮

有兵馴至禍亂承乾謀逆其事未遠又集覽君行則使太子知兵馬事太宗其未之思歟守有守

則從自上丈太子奉冢嗣而下至古之制也並左傳周二年文也解云君有朝會征伐行役之事則太子代君守國君使大臣守國則太子從君行也守手又反從才用反馴至馴松倫反以漸而至曰馴至質

實東官注見宗文帝元嘉二十七年

書法

前書承乾謀反矣於是復書詔太子知左右屯營兵馬事合而觀之帝之失可見矣太宗

於太子凡三詔皆失之貞觀四年十六年是年

薛延陀來納幣詔絕其昏

薛延陀真珠可汗使其姪來納幣獻羊馬契必何力上言薛延陀不可與昏上曰吾許之矣可食言乎何

力對曰願且違延敕夷男使親迎彼必不敢來則絕  
之有名矣上從之乃詔幸靈州召真珠可汗會禮真  
珠欲行其臣曰不可往必不返真珠曰天子聖明遠  
近朝服今親幸靈州以愛主妻我我得見天子死不  
恨矣薛延陀何患無君又多以羊馬為聘經沙磧耗  
死過半乃責以聘禮不備絕之褚遂良上疏曰往者  
夷夏咸言陛下欲安百姓不愛一女莫不懷德今一  
朝忽有改悔之心得少失多臣竊為國家惜之嫌隙  
既生必構邊患彼國蓄見欺之怒此民懷負約之慚  
恐非所以服遠人訓戎士也夫龍沙以北部落無美  
中國誅之終不能盡當懷之以德使為惡者在夷不  
在華失信者在彼不在此耳上不聽薛延陀先無府  
庫至是厚斂諸部以充聘財諸部怨叛薛延陀由是  
遂衰司馬公曰唐太宗審知薛延陀不可妻則初勿  
許其昏可也既許之矣乃復恃殫棄信而絕之雖  
滅薛延陀猶可羞也王者發言出令可不慎哉

集

覽

夷男真珠可汗名

質實

食言注見晉穆帝永和十二年可汗夷狄君長之號注見漢後主景

耀四年靈州注見玄宗天寶十五載靈武沙磧注同上開元三年

書法

書詔絕何病帝也前書許嫁此書來納幣則絕其昏為無名矣吐蕃未嘗許也遣使貢金

幣迎公主則以文成嫁之薛延陀許嫁矣來納幣則絕之唯彊是與而不于其信謂之何哉

發明

十六年書許以新興公主嫁薛延陀則是已許其昏約言在我矣今又書其來納幣則在

彼未嘗失禮乃無故絕之此何義哉匹夫尚不可無信況為四海之主而可失信於夷狄乎比而觀之其失自見矣

遣使冊高麗王藏為遼東郡王



上曰蓋蘇文弑其君而專國政誠不可忍以今日兵力取之不難但不欲勞百姓吾欲且使契丹鞞鞬擾之何如長孫無忌曰蓋蘇文自知罪大畏討必嚴設守備陛下姑為之隱忍彼得以自安必更驕惰討之未晚也上曰善於是遣使持節冊命高藏為遼東郡王

**集覽**

鞞鞬注見隋文質帝開皇十八年

**實**

契丹東胡種名注見晉安帝義熙二年遼東郡名注見秦王政三年

# 秋七月貶杜正倫為交州都督

初太子承乾失德上密謂庶子杜正倫曰吾兒果不可教當來告我正倫屢諫不聽乃以上語告之承乾表聞上責正倫正倫對曰臣以此恐之質實左遷注其還善耳及承乾敗正倫左遷交州質實見漢宣帝元康二年交州注見宣宗大中二年安南

# 陪魏徵碑

卷四十

初魏徵嘗薦杜正倫侯君集有宰相才至是正倫以罪黜君集謀反誅上始疑徵阿黨又有言徵自錄前後諫辭以示起居郎褚遂良者上愈集覽罷叔王尚不悅乃罷叔王尚主而陪所撰碑

徵子名也先嘗許以尚衡山公主今罷休之

## 發明

仆碑之事先儒論之詳矣綱目書之不言其故則譏太宗為可知雖然太宗從諫之美非

出於中心之誠特以好名之故矯揉行之或面雖悅從而心實不樂如須殺田舍翁之類積怒已非一日猶投種於地有待而發故身沒未幾譖訴遽行此其所以輕於仆碑略無留難者也觀者又當思之以是思之

房玄齡等上高祖今上實錄

上嘗謂褚遂良曰卿知起居注所書可得觀乎對曰史官書人君言動備紀善惡庶幾人君不敢為非未聞自取而觀之也上曰朕有不善卿亦記之邪對曰臣職當載筆不敢不記黃門侍郎劉洎曰借使遂良不記天下亦皆記之矣范氏曰人君言行被於天下其得失何可私也欲其可傳於後世莫若自修而已何畏乎史官之記邪劉洎之言足以儆君心而全臣職矣楊氏曰劉洎之言善矣然特可以動夫好名之君耳理則有所未盡也夫言行君子之樞機善則千里之外應之不善則千里之外違之雖使莫或記之而民之從違如此則亦可掩乎○上又謂監修國史房玄齡曰朕之心異於前世帝王所以欲觀國史蓋欲知前日之惡為後來之戒耳公可撰次以聞諫議大夫朱子奢上言陛下獨覽起居於事無失若以

此法傳示子孫或有飾非護短史官不免刑誅則莫不順旨全身千載何所信乎上不從玄齡乃與給事中許敬宗等刪為高祖今上實錄書成上之上見書六月四日事語多微隱謂玄齡曰昔周公誅管蔡以安周季友鵠叔牙以存魯朕之所為亦類是矣史官何諱焉即命直書其事范氏曰古者官守其職史書善惡君相不與焉此姦臣賊子所以懼也後世人君得以觀史而宰相監修欲其直筆不亦難乎人君任臣以職而宰相不與史集覽職當載筆當主也主執事則善惡庶乎可信也紀載之筆季友鵠叔牙以存魯春秋魯莊公有疾問後於叔牙對曰慶父材問於季友對曰臣有死奉般莊公薨般即位慶父弑之季友奔陳魯人立閔公慶父恨不得立又使人弑之季友以僖公適邾慶父奔莒季友乃以僖公入而立之求慶父於莒莒人歸之質實朱子奢蘇州吳人季友遂殺慶父而鵠叔牙周公誅管蔡以安

周注見漢後主建  
興九年管蔡放誅

書法

於是上命監修國史房玄齡撰次以聞不書  
命何罪玄齡也帝嘗欲觀史矣而遂良止之

使玄齡亦以是對則帝意塞矣  
書曰房玄齡等上罪在下也

發明

史官記載善惡為萬世勸戒不惟人君不可  
自觀而宰相亦不可與也綱目書玄齡上今

工實錄則大臣不能以義正君史官失其所職而太宗好名自私其失皆在中矣

# 九月新羅乞兵伐高麗遣使諭之

新羅遣使言百濟與高麗連兵謀絕新羅入朝之路  
乞兵救援上遣使齎璽書諭之蓋蘇文不奉詔使還  
上曰蓋蘇文弑君不可以不討諫議大夫褚遂良曰  
今中原清晏四夷讐服陛下之威望大笑乃欲渡海

遠征小夷萬一蹉跌傷威損望更與忿兵則安危難測也李世勳曰間者薛延陀入寇陛下欲發兵窮追用魏徵之言遂失機會不然薛延陀無遺類矣上曰然此誠徵之誤朕尋悔之而不欲言恐塞嘉言之路耳遂欲自征高麗遂良復諫曰天下譬猶一身兩京心腹也州縣四肢也四夷身外之物也高麗罪大誠當致討但命一二猛將將四五萬衆取之如反掌耳今太子新立幼穉諸王陛下所知一旦棄金湯之全踰遼海之險以天下之君輕行遠舉皆臣之所甚憂也掌臣亦多諫者上皆不聽范氏曰高麗臣屬於唐而其主為賊臣所弑為大國者不可不討然何至於自征之乎太宗若從遂良之言雖伐而不克未大失也

也集覽

新羅東夷國其先辰韓種也在高句麗東南忽兵注見梁武帝大同三年金湯韓子曰雖

有金城湯池非棄不守注金言其堅湯言其熱除城池之堅固也

質實

新羅東夷國名都樂浪郡

注見漢武帝元封二年朝鮮百濟東夷國名注見貞觀十四年璽書注見漢光武建武三年中原注見玄

宗天寶十五載蹉跎注見漢順帝陽嘉二年遼海注見漢昭烈帝章武元年

徙故太子承乾於黔州順陽王泰於均州考異故上書

泰為東萊郡王後書徙順陽王泰為濮質實黔州注見

王不書徙東萊郡王泰為順陽王疑漏高祖武德

三年一統志云順陽古地名春秋時屬鄭後為楚邊邑

戰國屬韓漢置郟縣屬潁川郡東漢省三國魏復置後

魏改置龍山縣屬襄城郡東魏以縣置順陽郡隋初改

龍山為汝南縣尋改為輔城縣屬汝州大業中又改郟

城縣以期城縣省入唐初因之宋屬許州金屬汝州元

初省入梁縣後復改為郟縣本朝因之改屬南陽府均

州注見晉元帝建武元年武當冬十一月詔黜封德彝贈謚集覽

黜丑律反貶也諡時志反行之迹也

初上與隱太子巢刺王有隙封德彝陰持兩端上皇欲廢隱太子德彝固諫而止至是侍御史唐臨追劾其事請贈黜官奪爵尚書唐儉等集覽巢刺王注見高請降贈改諡詔從之改諡曰繆

質實

唐臨長安人謹之孫

書法

綱目

臣子書贈官十有二詳漢武帝元光六年未有書黜贈諡者此其書黜何當罪之辭

也終綱目諡書黜削二封德彝武三思皆宜黜者也

甲辰十八年春三月以薛萬徹為右衛大將軍

上嘗謂侍臣曰於今名將惟世勳道宗萬徹三人而已世勳道宗不能大勝亦不大敗萬徹非大勝即大



敗

秋七月以劉洎為侍中岑文本馬周為中書令

文本既拜還家有憂色母問其故文本曰非黜非舊  
濫荷寵榮位高責重所以憂懼語賓客曰今受予不  
受賀也○上嘗謂侍臣曰朕欲自聞其失諸公宜直  
言無隱劉洎曰頃有上書不稱旨者陛下皆面加窮  
詰恐非所以廣言路馬周曰陛下比來賞罰微以喜  
怒有所高下上皆納之○上文學辯敏羣臣言事者  
引古今以折之多不能對劉洎上書諫曰以至愚而  
對至聖以極卑而對至尊虛襟以納其說猶恐未敢  
對駁況動神機縱天辯飾辭而折其理引古以排其  
議欲令凡庶何階應答且多記損心多語損氣願為  
社稷自愛上龍白答之曰非慮無以臨下非言無以  
述慮比有談論遂致煩多輟物驕人恐由茲道形神

欽定四庫全書

詩和黃注通鑑解目

卷四十

志氣非此為勞今**集覽**虛襟虛其襟懷不自滿假也  
聞謙言虛懷以改**對敎**對答也敎通作揚答受

天子之命而稱揚之飛白字體也雖拓集曰蔡邕見  
鴻都門匠人施瑩帝遂創造焉白通作帛歸田錄曰  
凡飛帛以點畫象**質實**社稷注見新  
物形惟點最難工**莽**天鳳元年

九月以褚遂良為黃門侍郎參預朝政

上嘗問褚遂良曰舜造漆器諫者十餘人此何足諫  
對曰奢侈者危亡之本漆器不已將以金玉為之忠  
臣愛君必防其漸若禍亂已成無所復諫矣上曰然  
朕見前世帝王拒諫者多云業已為之終不為改如  
此欲無危亡得乎范氏曰所貴乎賢者為其能止亂  
於未然閑邪於未形也若其已然則眾人之所能知  
也何賴於賢乎危亡之言惟明主能信而闇主忽焉  
是以自古無事之時常患諫之難入也故聖主能從

傳有之云公爾  
忘私私於朋友  
者必有忝於朝  
廷在昔已甚今  
人愈甚矣

諫於未然賢主能改過於已然諫而不聽者斯為下  
矣太宗求諫其有意於防未然者乎○上謂長孫無  
忌等曰人苦不自知其過卿可為朕明言之無忌對  
曰陛下武功文德臣等將順之不暇又何過之可言  
上曰朕問公以已過公等乃曲相諛說朕欲面舉公  
等得失以相戒而改之何如皆拜謝上曰長孫無忌  
善避嫌疑敏於決斷而總兵攻戰非其所長高士廉  
臨難不改節當官無朋黨所乏者骨鯁規諫耳唐儉  
言辭辨捷善和解人事朕三十年遂無言及於獻替  
揚師道性行純和而情實怯懦緩急不可得力岑文  
本性質敦厚持論恒據經遠自當不負於物劉洎性  
最堅貞有利益但意尚然諾私於朋友馬周見事敏  
速直道而言朕比任使多能稱意諸遂良學問稍長  
性亦堅正每寫忠誠親附於朕譬如飛鳥依人人自  
憐之范氏曰君臣以道相與以義相正有朋友之義  
非徒以分相使而已太宗欲聞過而無忌納諂以悅

之其罪大矣然太宗論羣臣之得失亦豈皆中於理哉遂良直道犯顏盡忠無隱王魏之比也而譬之飛鳥輕侮其臣

**集覽**

諛說諛諂也說讀曰悅持論恒據經遠一本作謀常經遠注不循目

不恭孰甚焉

前質實

骨鯁注見晉武帝咸寧四年楊道弘農華陰人隋觀王雄之子恭仁之弟

### 郭孝恪擊焉耆執其王突騎支

焉耆歲於西突厥朝貢多闕郭孝恪帥步騎三千擊之執其王突騎支上謂太子曰焉耆王不求賢輔不用忠謀自取滅亡繫頸萬里

**質實**

焉耆西域國名注見宋文帝元嘉十

二年突厥北狄國名注見梁武帝大同十一年

**書法**

不書遣何事也太宗在上而孝恪專兵則有以嘗試其喜攻之心矣故止書擊

# 高麗遣使入貢却之

蓋蘇文貢白金楮遂良曰此部鬲之類不可受也上從之謂其使者曰蓋蘇文弑逆汝曹不能復讐更為

遊說以欺大國罪孰大焉恚以屬大理集覽此部鬲之類謂此白金如部鬲皆以不義取之之物

左傳桓二年春宋以部大鬲賂公夏四月取部大鬲於宋納于太廟非禮也注部鬲部國所造器宋滅部

取之公羊傳取部大鬲于宋此取之宋其謂之部鬲何宋始以不義取之故謂之部鬲何休學云宋以不

義取之不應得故正之曰部鬲質實大理官名注見貞觀元年如以義應得則當言取宋大鬲

冬十月朔日食○帝如洛陽命房玄齡留守十一月以

張亮李世勣為行軍大總管詔親征高麗

十一月上至洛陽前宜州刺史鄭元璫已致仕上以其嘗從隋煬帝伐高麗召問之對曰遼東道遠糧運衆阻東夷善守城攻之不可猝下上曰今日非隋之仁公但聽之上聞涪州刺史程名振善用兵召問方名嘉其才敏勞勉之名振失不拜謝上試責怒以觀其所為名振謝曰疎野之臣未嘗親奉聖問適方心忠所對故忘拜耳舉止自若應對愈明辯上乃歎曰奇士也即日拜右驍衛將軍以張亮為平壤大總管兵四萬艦五百自萊州泛海趨平壤又以李世勣為遼東大總管帥步騎六萬及蘭河降胡趨遼東手詔諭天下以高麗蓋蘇文弑主虐民今問其罪所過皆頓無為勞費昔隋煬帝殘暴高麗王仁愛故不能成功今以大學小以順討逆以治乘亂以迎敵勞以悅當怨何憂不克布告元元勿為疑懼

集覽

蘭河降胡蘭河二州本古西羌地降胡歸義之胡質虜也隋初置蘭州河即漢金城郡後秦置河州

實

洛陽縣名注見周顯王三年宜州注見周報王三

十七年東夷東方之夷也其種有力曰猷夷于夷

方夷黃夷白夷赤夷玄夷風夷陽夷洛州注見漢武

帝元狩四年廣平平壤城名注見隋煬帝大業八年

秦州注見漢安帝永初二年東萊一統志云蘭河二

名蘭本秦之隴西郡地漢置金城郡東漢省入隴

西郡魏晉時為重鎮後魏後周並為武始郡隋初廢

郡為蘭州大業初廢州置金城郡唐復置蘭州天寶

初改金城郡乾元初復為蘭州宋治蘭泉縣金廢蘭

泉元屬鞏昌路本朝改州為縣屬臨洮府河注見晉

穆帝永和九年元注

見漢光武建武二年

書法

書親征何伐有罪也於是高麗弑逆伐之為

有辭矣故書親征至再三舉猶書伐與書自

擊者大異矣

隋煬帝終綱目書親征二

明帝太寧二年是年

舍是無書親征者矣

發明

綱目於煬帝書自將擊高麗而於太宗則書詔親征高麗夫自將之與親征其實則同而

異則殊絕蓋隋煬有瑕之可指而又時高麗無罪可討今太宗不惟無瑕可指而又高麗有罪當誅此固書法不同之意也雖然高麗誠有罪矣然區區遠夷不過命一二猛將統兵伐之足矣豈必重勞萬乘而與之角哉然則親征之書雖足見師出有名之意又以見太宗親行之失

十二月武陽公李大亮卒

大亮恭儉忠謹每宿直必坐寐達旦房玄齡每稱其有三陵周勃之節初大亮為李密所獲賊帥張弼見而釋之及大亮貴求弼弼為將作丞自匿不言大亮過諸塗而識之持弼而泣以家貲遺弼不受言於上乞恩以其官爵授之上為之擢弼為中郎將時人皆賢大亮不負恩而多弼之不伐也至是副玄齡守京



師卒遺表請罷高麗之師家餘米五斛布三十匹親戚早孤為大亮所養喪之如父者十有五人謚曰懿

**質實**

武陽縣名注見漢後主延熙十七年王陵周勃之節詳見漢高后元年八年中郎將官名注見漢桓

帝延熹二年京師注見周顯王二十五年

## 故太子承乾卒

**書法**

書卒何予存厚也然則罪人固可厚歟廢太子善終鮮矣有能存厚綱目所予也魏太子

恂稱主以殺則承乾書卒其意可見矣綱目書廢太子十二詳周赧王十六年惟東海王彊書卒承

乾書卒

## ○突厥徙居河南可汗李思摩入朝

突厥俟利苾可汗北渡河薛延陀惡之數相攻俟利苾有衆十萬不能撫御其衆悉南渡河請處於勝夏之間上許之羣臣皆曰陛下方遠征遼左而置突厥於河南距京師不遠豈得不為後慮願留鎮洛陽遣諸將東征上曰夷狄亦人耳其情與中夏不殊以德治之則可使如一家且彼不北走薛延陀而南歸我其情可見矣俟利苾既失衆輕騎入朝上以為右武衛將軍胡氏曰子貢問博施濟衆堯舜其猶病諸四海至廣矣施必及於博濟必周於衆聖人心所欲也而勢有弗及矣是故先王畿次中夏外四夷雖一視同仁然必篤近而舉遠也於是畫為五服要荒在外為之限禁其來有時以杜亂華之階遏謀夏之禍自堯舜三代皆不敢廢夫聖人之心與天同誠必不為猜忌也而太宗所見特異乎此豈以二帝三王有所未盡邪夫厚遇夷狄則於中國將薄矣推誠獸心則於可信將疑矣是以有征遠造舟之擾絕婚仆碑之

失蓋必然  
**集覽**  
俟利苾可汗之號也俟渠之反苾蒲之理也  
結反勝夏之間注見隋文帝開皇十

九年夏勝之間畫為五服畫界也為之限禁也五服謂甸服侯服綏服要服荒服也詳見禹貢蔡氏傳

**質實**

遠左即遼東注見秦王政三年河南道名注見宋主昱元徽元年

乙巳十九年春正月帝發洛陽

上謂侍臣曰朕自發洛陽惟啜肉飯雖春蔬亦不之進懼其煩擾故也見病卒召至榻前存慰付州縣療

之士卒咸悅

**封比干墓**

詔謚殷太師比干曰忠烈命所司封其墓春秋祠以少牢給五戶灑掃上至鄴自為文祭魏太祖曰臨危

制變料敵設奇一將之智有餘萬乘之才不足胡氏  
曰知人則易自知則難太宗之評魏武者正所以自  
狀耳或問漢高祖光武昭烈猶魯衛之政也魏武太  
宗並曰高祖尚矣光武昭烈猶魯衛之政也魏武太  
宗並驅中原未知虎兇誰手其所長短蓋畧相當光  
武昭烈才德俱優魏武太宗才優於德然規模建立  
皆在漢高範圍

集覽

少牢按文公儀禮圖少牢饋食禮篇注禮將祭祠必先擇牲繫于牢而芻

之羊豕曰少牢諸侯之卿大夫祭宗廟之牲疏云特  
牲不言牢但非一牲即得牢稱公羊傳桓八年注禮  
天子諸侯卿大夫牛羊豕凡三牲曰太牢天子元士  
諸侯之卿大夫羊豕凡二牲曰少牢諸侯之士特豕  
惟詩傳云牛曰太牢羊曰少牢與前二說不同更當  
考之又太牢注見漢王邦三年中牢注見漢昭帝元  
鳳元年未知鹿死誰手史記淮陰侯傳秦失其鹿天  
下共逐之於是高材疾足者先得焉張晏曰以鹿喻

帝位也範圍之內易紫辭範圍天地之化而不質實  
過程氏本義曰範如鑄金之有模範圍匡郭也  
一統志云比干墓在衛輝府城北一十里即武王所  
封者有石題曰殷太師比干之墓後魏孝文帝南巡  
親幸弔祭刻文墓上鄴縣名注見漢獻帝建安十五  
年魏太祖謂曹操也操墓在彰德府滏陽縣講武城  
外唐太宗經此故祭之

書法

元魏嘗書祭比干墓矣

魏孝文帝於此復見故特書美之

齊甲戌年

三月至定州詔皇太子監國考異

皇字美據調露元年弘道元年景雲二年

永貞元年屢書太子監國並省皇字

詔太子監國留居定州命太傅高士廉詹事張行成庶子高季輔及侍中劉洎中書令馬周同掌機務以

輔之將行太子悲泣數日上曰為國之要在於進賢  
退不肖賞善罰惡至公無私汝當努力行此悲泣何

為質實

定州注見周威烈  
王二十三年中山

## 發定州

長孫無忌岑文本楊師道從上  
親佩弓矢手結雨衣於鞍後

## 夏四月諸軍至玄菟新城

李世勣軍發柳城多張形勢若出懷遠鎮者而潛師  
北趨甬道出高麗不意自通定濟遼水至玄菟高麗  
大駭城邑皆閉遼東副總管江夏王道宗將兵數千  
至新城折衝都尉曹三良引十餘騎直壓城門城中  
驚擾無敢出者營州都督張儉將胡兵為前鋒  
進渡遼水趨建安城破高麗兵斬首數千級  
質實

柳城縣名注見漢獻帝建安十二年懷遠鎮注見漢武帝元朔元年甬道注見漢王那二年通定鎮名在遼東郡境內遼水注見漢昭烈帝章武元年玄菟郡名注見漢武帝元封三年營州注見漢獻帝建安十二年柳城張儉新豐人建安城在遼東都司城內二百四十里注見本年蓋州

### 岑文本卒以許敬宗檢校中書侍郎

上悲以軍中資糧器械簿書委岑文本文本夙夜勤力精神耗竭遇暴疾薨上召許敬宗代之

#### 書法

於是從征而卒不書卒於師何非主帥也

### 李世勣拔蓋牟城

李世勣拔蓋牟城獲其成卒七百人皆請從軍自致上曰汝為我戰高麗必族汝家得一人之力而滅一

家吾不忍也皆稟賜而質實一統志云蓋牟城在遼

遠之以其城為蓋州

質實

東都司城南二百四十

里稟賜注見漢靈帝中平六年蓋州本遼東郡地高  
麗為蓋牟城唐置蓋州渤海因之遠以路通辰韓改  
為辰州陞奉國軍附郭置建安縣金為蓋州元屬遼  
陽路省縣入州本朝初廢州置衛改屬遼東都司

### 五月張亮拔卑沙城

張亮帥舟師渡海襲卑沙城其城四面懸絕惟西門  
可上程名振引兵夜至副總管王大度先登五月拔  
之獲男女質實一統志云卑沙城在遼東都司城南

八千口

質實

一百二十里本蓋牟地高麗為沙卑

城渤海國為南海府遠為海州南海軍治臨瀛縣金  
天德初改為登州元廢之本朝初置海州衛改屬遼

東都司



帝渡遼拔遼東城

帝世勳進至遼東城下高麗步騎四萬救之江夏王  
遼宗將四千騎逆擊之軍中皆以為衆寡懸絕不若  
深溝高壘以俟車駕之至遼宗曰吾屬為前軍當清  
道以待衆與乃更以賊遺君父乎既合戰唐兵不利  
遼宗登高而望見高麗陣亂與驍騎數十衝之世勳  
引兵助之高麗大敗車駕至遼澤泥淖二百餘里布  
土作橋以渡既渡撤之以堅士卒之心上至遼東城  
下見士卒負土填塹即分其尤重者自於馬上持之  
從官爭負土致城下時世勳攻城已十二日矣上引  
精兵會之圍其城數百重縱火登城高麗力戰不能  
敵遂克之所殺萬餘人得勝兵萬  
**質實** 乘輿注見漢  
人男女四萬以其城為遼州  
安帝延光四  
年遼澤注見漢昭烈帝章武元年遼水一統志云遼  
州本拂涅國地渤海置東平府唐為遼州遼因之置

如平軍治遠濱縣金貞祐兵亂時廢故址在遼東都  
瀋陽街西北一百八十里唐世勣拔遼城即此

### 建軍白巖城六月降之

建軍白巖城李思摩中弩矢上親吮血將士聞之莫  
不感動契苾何力擊高麗救兵挺身陷陣槊中其腰  
尚輦奉御薛萬備單騎往救拔何力於萬眾之中而  
還何力氣益憤束瘡而戰遂破高麗兵白巖城請降  
既而中海上怒其反覆攻之令軍中曰得城當悉以  
人物賞戰士六月復請降上將受之李世勣謂曰士  
兵所以爭冒矢石不顧其死者貪虜獲耳今城垂拔  
奈何更受其降孤戰士之心上下馬謝曰將軍言是  
也然縱兵殺人而虜其妻孥朕所不忍將軍麾下  
有玩者朕以庫物賞之庶因將軍贖此一城世勣乃退  
二受其降以為巖州何力瘡重上自為傅藥求得刺  
何力者使自殺之何力曰彼為其主冒白刃忠勇之

士不可教質實白巖城未詳處所尚輦奉御官名如淳曰掌天子之物曰尚周官有巾車也遂舍之秦漢為車府令隋煬帝初置殿內省置尚輦此其始也薛萬備燉煌人萬均之弟麾下注見漢獻帝建安十四年

### 進攻安市城大破其救兵於城下

車駕至安市城攻之高麗北鄙耨薩延壽惠真帥兵十五萬救安市上曰今為延壽策有三引兵直前連城為壘據險食粟掠吾牛馬攻之不可猝下欲歸則泥濘為阻坐困吾軍上策也拔城中之眾與之宵遁中策也不度智能來與吾戰下策也卿曹觀之彼必出下策成擒在吾目中矣高麗有對盧年老習事謂延壽曰秦王內芟羣雄外服戎狄獨立為帝此命世之才今舉海內之眾而來不可敵也為吾計者莫若

頓兵不戰曠日持久分遣奇兵斷其運道糧食既盡  
求戰不得欲歸無路乃可勝也延壽不從引軍直進  
上猶恐其不至命阿史那社爾將千騎以誘之兵始  
交而偽走高麗相謂曰易與耳競進乘之至安市城  
東南八里依山而陳長四十里上與無忌等從數百  
騎乘高觀望形勢江夏王道宗曰高麗傾國以拒王  
師平壤之守必弱願假臣精兵五千覆其本根則數  
十萬衆可不戰而降矣上不應命李世勣將步騎萬  
五千陳於西嶺長孫無忌將精兵萬一千自山北出  
狹谷以衝其後上自將步騎四千為奇兵使鼓角偃  
旗幟登山北山敕諸軍聞鼓角齊出奮擊延壽等見世  
勣布陳勒兵欲戰上望見無忌軍塵起命作鼓角舉  
旗幟諸軍鼓譟並進延壽等大懼欲分兵禦之而陣  
已亂薛仁貴大呼陷陳所向無敵大軍乘之高麗兵  
大潰延壽惠真率衆請降舉國大駭後黃城銀城皆  
自拔遁去數百里無復人煙上乃更名所幸山曰駐

刻石紀功馬驛書報太子及高士廉等曰朕為此  
如范氏曰太宗少時奮於布衣志氣英果  
百勝以取天下治安既久不能深居高拱猶思  
逞志扼腕踴躍喜於用兵如馮婦搏虎不能自  
有禮義以養其志中和以養其氣也至於一戰  
自以為功矜其智能夸示臣下其氣小矣抑對  
謀正太宗所謂上策者使  
從之則唐師豈不殆哉  
集覽  
猶唐之都督也  
新史作傳並音奴萬反延壽惠真並姓高皆為  
延壽主北都惠真主南部對盧高麗之官十有  
首曰大對盧馮婦搏虎以喻太宗用兵不已也  
姓名勇而有力善搏虎故進以為士後於野外  
欲復搏之其士之黨笑  
質實  
一統志云安市漢  
知止也見孟盡心下  
之縣名屬遼東郡  
宗征高麗攻之不下薛仁貴白衣登城即此遼  
鐵州金改為湯池縣屬蓋州元省故址在遼東

謝東北七十里鼓譟注見宋文帝元嘉二十六  
年仁貴河東起門人駐蹕山即首山在遼東都司  
南十五里連海州衛界山頂平石之上有指掌  
泉出其中挹之不竭晉司馬懿圍公孫淵於襄  
陽星從首山墜城東南即此唐太宗征高麗嘗駐  
蹕數日勒石紀功因改為駐蹕山扼腕注見漢  
元

張亮至建安城破高麗兵

過建安城下壁壘未固高麗兵奄至亮素怯踞  
直視不言將士見之更以為勇相與擊高麗兵

胡牀注見周世  
宗顯德五年

九月薛延陀真珠可汗死子多彌可汗拔灼立

初真珠可汗諸分國立其二子皆為可汗詔從之質  
至是拔灼殺其兄曳莽而自立是為多彌可汗

實

可汗夷狄之君之號注  
元漢俊主景耀四年

唐攻安市城不下詔班師

上之克白巖也謂李世勣曰安市城險而兵精建安  
兵弱而糧少若出其不意攻之必克建安下則安市  
在吾腹中此兵法所謂城有所不攻者也對曰建安  
在南海市在北吾軍糧皆在遼東今踰安市而攻建  
安若賊斷吾運道將若之何上從之世勣遂攻安市  
不下上怒世勣請克城之日男子皆坑之安市人聞  
之益堅守攻久不下高延壽高惠真共請曰烏骨城  
三老耄不能堅守移兵臨之朝至夕克其餘小城必

望風奔潰然後收其資糧鼓行而前平壤必不守矣  
韋巨亦請召張亮拔烏骨渡鴨綠水直取平壤上將  
從之長孫無忌以為天子親征異於諸將不可乘危  
徵幸若向烏骨則建安新城之虜必躡吾後不如先  
取安市建安然後進乃止江夏王道宗督衆築土山  
以逼其城城中亦增城以拒之士卒交戰日六七合  
營車礮石壞其樓堞城中隨立木柵以塞其缺晝夜  
不息凡六旬用功五十萬山頽壓城城崩會守城傅  
伏愛私離所部高麗自缺城出戰遂奪土山壘而守  
之上怒斬伏愛以徇命諸將攻之三日不能克上以  
違左早寒草枯水凍士馬難久留且糧食將盡敕班  
師先拔遼蓋二州戶口渡遼乃耀兵於安市城下而  
安城主登城拜辭上嘉其固守賜餼百匹以集覽  
爲事君還師渡遼暴風雪士卒沾濕多死者集覽  
礮石衝通作轡陷陣車也礮俗作砲軍戰石也張晏  
曰范蠡兵法飛石重十二斤爲機法行三百步礮蓋



起此也事始曰諸葛亮起衡車却昭質實烏骨城未  
以繩連石磨四角車折即破石也詳處所鴨

綠水注見隋煬帝大業八年平壤城名  
注同上年班師注見陳後主禎明元年

### 書法

嘗書進攻安市城笑上既書帝此復書帝何  
為不下書也以萬乘之重攻一城而不克挫

威甚矣然則書詔班師何予知復也與上書大敗  
下書帝還上書楊玄感起兵下書帝引兵還者又

異矣隋煬帝大

業八年九年

### 發明

太宗遼東之行非特為高麗之逆命蘇文之  
弑君其實欲聘所長以夸天下而已況其少

時親見隋煬之事固已技癢於中必思所以勝之  
故因蘇文之罪假以親征耳不然帝於突厥吐渾  
高昌等國皆遣將平之何獨於高麗而必欲親征  
哉惟其較於好勝之心是以利害是非之實皆不

欽定四庫全書

御批資治通鑑綱目  
卷四十

三

能見如李道宗乘虛取平壤之策高延壽移兵高  
骨城之語皆不能聽此正魏相所謂驕兵貪兵者  
也然則太宗是行遠與隋煬爭勝近與臣下爭功  
必欲獨勝當世入皆莫及而不料小醜之能抗也  
細目於此書安市城不下而特以帝攻冠於其上  
則見是城乃帝所自攻而非他人之責矣好勝不  
止自取挫折  
可勝惜哉

冬十月遣使祀魏徵復立所仆碑

凡征高麗拔十城徙遠蓋巖三州戶口入中國者七  
萬人新城建安駐蹕三大戰斬首四萬餘級戰士死  
者幾三千人戰馬死者什七八上以不能成功深悔  
之嘆曰魏徵若在不使朕有是行也命馳驛祀徵以  
少牢復立所製碑召其妻子詣行在勞賜之范氏曰  
太宗玩武不已因於小夷無異於煬帝蓋不能慎終

如始日新其德而欲功過五帝地廣三王是以失之  
然見危而思直臣知過而能自悔此其所以為賢也

質實

行在注見漢武帝天漢二年

書法

書義悔過也是故樊豐敗而後祠楊震漢安  
帝延光四年宦官敗而後祭陳寔漢靈帝中

平六年遼東敗而後祠魏徵是年漁陽反而後祭  
九齡肅宗至德二年皆事後之思也終綱目書祭

臣六詳漢明帝永平二年  
祭比干墓不與焉

帝還至營州祭戰亡士卒

上至營州詔戰亡士卒骸骨並集柳城命  
有司具太牢上自作文以祭之臨哭盡哀  
質實太牢

注見漢王

邦三年

書法

五年書遣使詣高麗葬隋戰士美也此書祭戰亡士卒美之歟譏也其譏何帝之葬隋戰

士固有咎隋之心矣及其晚節不能自克躬自蹈之殺其身而禮其鬼則何益哉故前書隋戰士此

書戰亡士卒咎亡之者也帝之篇書恤死之政四貞觀二年五年春及八月是年惟此為譏辭

贖諸軍所虜高麗民萬四千口

上聞太子奉迎將至乃從飛騎三千人馳入臨關道逢太子上之發定州也指所御褐袍謂太子曰侯見汝乃易此袍耳在遠左雖盛暑流汗弗之易至是太子進新衣乃易之諸軍所虜高麗民萬四千口安集幽州將以賞軍上慰其父子夫婦離散命有司質平其直悉以錢帛贖為民歡呼之聲三日不息

實

臨渝關注見隋文帝開皇十八年幽州注見高祖武德四年

書法

前書贖突厥男女八萬口華人也此書贖高麗民萬四千口予之歟予之也亦傷之也曷

為傷之高麗之俘得以生還何其幸也戰亡士卒不可復贖矣何其不幸耶綱目牒書之予之之意不如傷之之深也

十一月易州司馬陳元璿以罪免質實

易州注見周世宗顯德六年

元璿使民於地室蓄火種蔬而進之上惡其諂免元璿官

十二月薛延陀寇夏州質實

薛延陀匈奴別種名注見隋煬帝大業元年夏州注

元漢武帝元初元年朔方

○殺侍中劉洎

初上將東行謂侍中劉洎曰我今遠征爾輔太子安危所寄宜深謀我意對曰願陛下無憂大臣有罪者

欽定四庫全書

御批資治通鑑綱目

四十一

臣謹即行誅上以其妄發怪之及上還不豫洎色悲  
懼謂同列曰疾勢如此聖躬可憂或諧於上曰洎言  
國家事不足憂但當輔幼主行伊霍故事大臣有異  
志者誅之自定矣上以為然詔賜自盡孫氏曰劉洎  
之元據舊史所書由遂良之諧也然伐遼之行洎有  
謀大臣之對矣及太宗不豫則洎初無是語也遂良  
不應以此諧之蓋遂良後諫廢立被譴姦人從而諧  
之故洎子訴冤李義府助之遂良諧洎之言當出於  
此又貞觀實錄敬播所修號為詳正許敬宗頗以愛  
憎改易舊文則遂良諧洎之事安可信乎胡氏曰遂  
良王魏之亞豈肯諧人者而洎又直臣遂良以何事  
言之邪孫甫辨之當矣然太宗殺洎甚遽大臣亦不  
得有諫譬者何也太宗盛意伐高麗挫屈而歸慙怒  
之氣無所發泄正爾卧疾而諧者觸其諱惡是故雷  
霆霆擊不復思惟也故人主必以禮義養其質實  
心志使氣合太和則喜無過差怒無暴悖矣質實  
中

官名注見高祖武德七年伊霍  
故事注見晉元帝太興元年

發明

嗚呼是非天下之至理萬世之公論果可厚誣也哉劉洎之死出於太宗一時之忿他時

洎子誣訴褚遂良之譖先儒既為之辨明至高宗欲雪其冤樂彥韋以為若雪洎罪則彰先帝用刑不當之失其事遂寢是意蓋欲掩覆太宗濫殺之過耳然綱目於此書殺書爵亦不以其掩覆之故而遂曲為之隱然則是非天下之至理萬世之公論果可以厚誣也哉

以馬周攝吏部尚書

周以四時選為勞請復十一月選至三月畢從之

書法

攝也其書何始罷四時選也唐世書吏部尚書四馬周褚遂良裴光庭楊嗣忠自褚遂良

外皆  
譏辭

丙午二十年春正月夏州兵擊薛延陀大破之○遣大理

卿孫伏伽等巡察四方

遣大理卿孫伏伽等二十二人以六條巡察四方伏伽等多所貶黜其人詣闕稱冤者前後相屬上令褚遂良類狀以聞上親臨決以能進擢者二十人以罪死者七人流以下除免者數百千人

集覽

以六

條巡察一察官入善惡二察戶口流散籍帳隱沒三察農桑不勤食廩減耗四察妖猾盜賊不事生業五察德行孝弟茂材異等藏器晦迹應時用者六察黠吏豪宗魚昇縱暴貧弱冤苦不能自伸者見三宗解

質實

大理官名注  
見貞觀元年



# 帝還京師

上謂李靖曰吾以天下之衆困於小夷何也靖曰此道宗所解上顧問道宗具陳在駐蹕時乘虛取平壤之言上悵然曰當時恩恩吾不憶也胡氏曰太宗對敵有嘉謀而不取何也道宗陳計正值太宗輕度延壽之時故不見答既克延壽又方驛報太子自伐為將之功道宗故不敢復言也太宗於是志滿而氣驕所以親將大衆而質實恩恩急遽貌屈於小醜也與

## 三月詔皇太子聽政考異

皇字美據二十三年詔太子聽政無皇字

上疾未全平欲專保養詔太子間日聽政於東宮既罷則入侍藥膳不離左右褚遂良請遣太子旬日一還東宮與師質實東宮注見宋文帝傳講論從之元嘉二十七年

殺刑部尚書張亮

人告亮有反謀上命按之亮不服命百官議其獄皆言亮反當誅獨將作少監李道裕言亮反形未具不當死上不聽斬之後歲餘刑部侍郎缺上曰朕得其人矣往者李道裕議張亮獄朕雖不從至今悔之遂以為刑部侍郎

發明

按唐史叙亮私說相貌識緯及養假子五百人稱其死有餘責今綱目乃書殺書官何耶

夫亮延納妖人妄論禍福罪固有之至於假子之事乃出於告者之口前史亦不能閱實其罪故分註皆削而不錄况亮身處刑曹非有兵權在手一言註誤遽陷極刑且亮既不服其辜而李道裕又言反形未具始從輕典可也殺之過矣宜乎書法之所不予也

閏月朔日食質實

日食注見新莽天鳳元年

○夏五月高麗遣使謝

罪却之

高麗王載及莫離支蓋金遣使謝罪并獻二美女金  
師蘇文也上以師還之後金蓋驕恣表辭詭誕待使  
者倨慢屢違詔攻新羅詔  
**集覽** 莫離支高麗官名猶  
勿受其朝貢復議討之  
唐之吏部尚書蓋金

即泉蓋蘇文也  
注見十六年

**書法**

書卻之何譏也前書高麗遣使入貢卻之為  
美此則何以為譏蓋蘇文弑逆懼討遣使貢

金所謂違亂之賂不受宜也於是高麗君臣遣使  
謝罪復議討之是蹟武矣書曰謝罪卻之所以病  
也帝

六月西突厥遣使入貢

西突厥乙毗射匱可汗遣使入貢且請昏上許之集  
使割龜茲于闐疎勒朱俱波蔥嶺五國以為聘禮

覽

疎勒注見漢武帝  
元鼎二年疎勒

質實

龜茲西域國名注見漢光  
武建武十二年于闐西域

國名注見漢武帝元狩元年朱俱波西域國名注見  
貞觀十年蔥嶺西域國名注見漢武帝元鼎二年

秋八月帝如靈州遣李世勣擊薛延陀降之敕勒諸部

遣使請吏考異

州下漏還  
宮二字

薛延陀多彌可汗猜福好殺廢棄父時貴臣專用已  
所親昵國人不附回紇諸部擊之大敗上詔江夏王  
道宗等將兵擊之國中驚擾多彌出走回紇殺之盡  
據其地餘衆西走猶七萬餘口共立真珠兄子吐摩

支遣使奉表請居鬱督軍山之北詔遣使安集之敕  
勒九姓酋長聞其來皆懼朝議亦恐其為磧北之患  
乃遣李世勣圖之上自詣靈州招撫太子當從行少  
詹事張行成以為不若使之監國接對百寮明習庶  
政上然之李世勣至鬱督軍山吐摩支降道宗兵既  
渡磧薛延陀拒戰道宗擊破之遣使招諭敕勒諸部  
其酋長皆喜請入朝駕至浮陽回紇等十一姓各遣  
使歸命乞置官司上大喜遣使納之詔曰朕聊命偏  
師遂擒頡利始弘憲略已滅延陀鐵勒百餘萬戶諸  
為州郡混元以降殊未前聞宜備禮告廟仍頒示普  
天上為詩曰雪耻酬百王**集覽**敕勒注見宋文帝元  
除允報千古勒石於靈州**集覽**嘉七年頡利前可汗  
之號廟畧注見漢宣帝神爵元年廟勝之**質實**回紇  
冊混元太古之時元氣混然故曰混元**質實**回奴  
別種名注見貞觀元年鬱督軍山注見貞觀二年酋  
長注見漢帝立更始二年磧北注見立宗開元三年

一統志云靈州漢之縣名屬北地郡以縣在河之洲上隨水高下未嘗論沒故名靈州隋改為靈武郡唐肅宗即位於此宋改為朔慶軍元仍為靈州本朔州廢置守禦千戶所故城在陝西寧夏衛城南浮陽縣名注見漢順帝永建元年鐵勒高車部號注見宋文帝元嘉七年

書法

薛延陀嘗書寇矣貞觀十九年此其再不書討何自反而不縮也無故而許昏無故而絕

之其入寇宜矣於是而乘其弱未見其有名也故延陀自未許昏以前書討而於此再書擊焉蓋帝自安市班師之後急於雪耻師出無名故綱目惟高麗書伐餘皆書擊所以識其遺戮也

冬十月貶蕭瑀為商州刺史

瑀性狷介與同僚多不合嘗言房玄齡等朋黨不忠但未反耳上不聽瑀內不自得因自請出家既而悔

唐以來士人從釋教者往

住有之皆識見  
中無所至耳若  
蕭瑀自請出家  
則又愚之至矣

之上以瑀反覆不平詔曰朕於佛教非意所導梁武  
簡文窮心釋氏覆亡不暇社稷為墟報施之徵何其  
謬也瑀踐覆車之餘軌襲亡國之遺風自請  
出家尋復違異豈具瞻之量乎貶商州刺史  
注見晉元帝  
大興元年

書法

自是至開元三年七十餘載書以為刺史者  
四十蕭瑀李緯褚遂良柳奭韓瑗來濟杜正

倫李義府高履行于志寧趙瓌李敬玄馮元常審

味道李孝逸狄仁傑韋嗣立姚元之再書燕王重

福畢構張柬之敬暉桓彥範袁恕已尹思貞宋璟

再書賈從一祝欽明郭山暉李暢宋王成器再書

幽王守禮薛稷光張說劉幽求鍾紹京韋瓘自

狄仁傑外皆以貶黜為之則刺史之任益輕矣

十二月帝生日罷宴樂

上為長孫無忌等曰今日吾生日世俗皆為樂在朕  
翻成傷感今君臨天下富有四海而承歡膝下永不  
可得此子路所以有負米之恨也詩云哀哀父母生  
我劬勞奈何以劬勞之日更為歡樂乎因泣數行下  
左右悲集覽膝下孝經故親生之膝下注膝下謂孩幼  
皆悲也事二親之時常食藜藿之實為親負米於百里之  
外親沒之後南遊於楚從車百乘積粟萬鍾願欲食  
藜藿為親負米不可復得也

書法

書宴多矣未有書罷宴者書罷宴樂何美之也  
以此貽謀猶有責諸道貢獻者矣代宗大歷元

年書生日始此終綱目書生日四  
七年代宗大歷元年建中元年書罷宴一而已

發明

以文觀之生日念劬勞而罷宴樂誠美事也以  
實推之太宗自遼左之伐不得志而回凡所施



為往往有不自聊賴之意故劉洎張亮皆以小故  
被戮而勅勸請吏之事布告海內亦欲以此遣諸  
胥中而終不能釋然也是以鬱鬱至此夫武定亂  
畧文致太平貴為天子富有四海論功較德直與  
古帝王並驅爭先而晚節末路反有不滿之懷由  
其銳於好勝無理義以養其心故耳豈不深可惜  
哉雖然太宗以生日罷宴樂而後世子孫乃以生  
日侈宴樂寧不有愧於祖武書之于冊其得失優  
劣又可  
觀矣吁

### 幸房玄齡第

房玄齡嘗以微譴歸第諸遂良諫曰玄齡翼贊聖躬  
冒死決策選賢立政勤力為多自非罪在不赦不可  
遐棄若以其衰老亦當退之以禮上然之因幸芙蓉  
園玄齡教子弟汎掃門庭曰乘輿且至有頃上幸其

第因載玄

質實

一統志云芙蓉園在西安府城南郭外唐太宗嘗以賜魏王泰即此乘輿

齡還宮

注見漢桓帝

延熹二年

書法

書美之也若帝可謂能念功矣終綱目書君入諸臣之家五幸其府二詳漢安帝建光元

年皆譏辭也惟幸司徒導府晉成帝或康元年幸房玄齡第是年非譏辭

丁未二十一年春正月申公高士廉卒考證

當分註諡文獻

士廉卒上將往哭之房玄齡長孫無忌諫曰陛下餌金石於方不得臨喪奈何不為宗廟自重不聽無忌

中道伏卧流涕固諫上乃還入東苑南集覽餉金石望而哭涕下如雨及柩出登樓望哭餉服食

也服丹質實申縣名注見梁武帝太清二砂之藥質實年東苑在西安府城內東南

以敕勒諸部為州縣

回紇諸部皆來朝請吏詔以為六府七州各以其酋  
長為都督刺史各賜金繒遣之諸酋長奏請以回紇  
以南突厥以北開一道謂之參天可汗道置六十八  
驛上許之於是北荒悉平然回紇吐迷度已私自稱  
可汗官號皆如突厥故事范氏曰中國之有夷狄如  
畫之有夜陽之有陰君子之有小人也中國失政則  
四夷交侵先王所以御之者亦可得而畧聞矣舜曰  
而難任人蠻夷率服又曰無怠無荒四夷來王蓋柔  
遠能邇治內安外而殊俗之民嚮風慕義不以利誘  
不以威脅而自至矣故不勞民不費財至於後世之  
君或讐疾而欲殄滅之或愛悅而欲招來之是二者  
皆非也何則彼雖夷狄亦人類也王者於天地間無  
所不養況人類而欲殘之乎殘之固不可況不能勝  
而自殘其民乎仁人之所不為也為之者秦始皇是

也山川之所限風氣之所移得其地不可居得其民不可使列為州縣是崇虛名而受實弊也且得之既以為功則失之必以為恥不在於已則在於子孫故有征伐之勞餽餉之煩民不堪命而繼之以亡隋煬帝是也且中國地非不廣也民非不衆也曷若修德行政以惠養之使男有餘粟女有餘布兵革不試以致太平不亦帝王之盛美乎夫有求於外如彼其難也無求於外如此其易也然而人君常捨所易而行所難何哉忽近而喜遠厭故而謀新雖或未至於亡而常與之同事其累德豈細哉太宗好大無窮兼蓄夷夏非所以遺後嗣安中國之**集覽**也秦天可汗道參覲道此當以為戒而不可慕也先突厥上太宗尊號為天可汗而難任人書舜典注難拒任倭也斥遠倭人則忠信昭於四夷皆相率而來服

詔以來年仲春有事於泰山質實

泰山注見秦始皇二十八年

○以

牛進達李世勣為行軍大總管伐高麗

上將復伐高麗朝議以為高麗依山為城攻之不可  
絀下前大駕親征國人不得耕種大半乏食今若遣  
偏師更迭擾其疆場使彼疲於奔命釋耒入堡數年  
之間千里蕭條則人心自離鴨綠以北可不戰而取  
矣上從之遣牛進達李世勣水陸並進以討之范氏  
曰太宗以蓋蘇文弑君故舉問罪之師誅其賊弔其  
人置君而去之則德刑舉矣伐而不克益發忿  
兵欲擾之使不得耕稼則是為寇非禦寇也  
釋耒入堡釋廢也未耕曲木堡質實疆場注見漢靈  
小城也謂廢農事而入保城邑  
水名注見隋  
煬帝大業八年

夏四月作翠微宮

功上得風疾苦京師盛暑命修質實京師注見周顯  
終南山太和廢宮為翠微宮王二十五年終  
南山注見漢文帝三年南山一統志云翠微宮在西  
安府城南八十里終南山上唐高祖建名太和宮太  
宗改曰翠微內  
有含風等殿

### 以李素立為燕然都護

以李素立為燕然都護統瀚海等六府畢蘭等七州  
素立撫以恩信夷落懷之共率馬牛為獻素立惟受  
其酒一杯餘悉還之○上問侍臣曰自古帝王雖平  
中夏不能服我狄朕才不逮古人而成功過之何也  
羣臣稱頌功德上曰不然朕所以能及此者止由五  
事耳自言帝王多疾勝已者朕見人之善若已有之  
人之行能不能然備朕常棄其所短取其所長人主  
往往進賢則欲其諸懷退不肖則欲推諸壑朕見賢

者則敬之不肖者則憐之人主多惡正直陰誅顯戮無代無之朕踐祚以來正直之士比肩於朝未嘗黜責一人自古皆貴中華賤夷狄朕獨愛之如一故其部落皆依朕如父母此五者朕所以成今日之功也

集覽

燕然注見漢武帝征和三年

質實

李素立高邑人

# 五月如翠微宮考異

如上漏帝字

冀州進士張昌齡獻翠微宮頌上愛其文命於通事舍人裏供奉初昌齡與王公治皆有文名考功員外郎王師旦知貢舉黜之上問其故師旦曰二人文體輕薄終非令器若置之高第恐後進救之傷陛下雅道上善其言胡氏曰太宗於皇甫德參則欲加以罪於張昌齡則欲賞以官此可以見在位日久德不加脩志已怠矣古之聖王慎終如始日新又新之德太宗蓋有愧焉蓋聖學不傳雖納諫自勉而不治其本

故無聖王成集覽通事舍人裏供奉未命以官故令

德之效也於通事舍人裏供奉若馬周起布

衣詔令於監察御史裏行是也殿後

質實

冀州注見

專以裏行名官公治一本作公謹

年信

# 李世勣破南蘇城

世勣軍既渡遠歷南蘇數城高麗多集覽羅郭外郭

背城拒戰世勣破其兵焚羅郭而還集覽羅郭外郭

城質實

南蘇城注見隋

# 以李緯為洛州刺史

初上以緯為戶部尚書時房玄齡留守京師有自京

師來者上問玄齡何言對曰玄齡但云李緯美髭鬚



上遽改除  
洛州刺史  
質實  
洛州注見秦莊  
襄王元年三川

秋七月作玉華宮質實

玉華宮在西安府城內東北

○牛進達拔石

城質實

一說志云石城在遼東蓋州衛東北一十五里石城山上城中有泉世傳唐太宗征高麗土人

居此以  
避兵

○八月詔停封禪質實

封禪注見秦始  
皇二十八年

以薛延陀新降土功  
屢興河北水災故也

書法

前書有星孛于太微罷封禪矣於是以前書罷封禪此水災故則曷為不書不書為水災也時以薛

延陀新降土功屢興故停之然則前書罷封禪此書停何停者未罷之辭也姑違之云耳人之自克

誠難  
哉

欽定四庫全書

御批資治通鑑綱目

五十

發明

天下之事惟見理之明者卓然不惑則守之定而決之堅至於一出焉一入焉自以為是

而復以為非自以為不可而復以為可凡若此類皆非見理之明者也太宗封禪之事自六年羣臣有請之後至是凡七書于冊其欲行也以臣民之請其欲止也以事變所奪初未嘗以其非禮而已之也惟太宗不能決然斷其非禮是以若子及孫遂舉而行之豈非詒謀詔後無一定之說故其流弊必至於此者乎書詔停封禪停者暫止之詞暫止則必復舉矣惜哉

### 骨利幹遣使入貢

骨利幹於鐵勒諸部為最遠晝長夜短日質實鐵勒沒後天色正曛煮羊胛適熟日已復出矣

部號注見宋文帝元嘉七年胛古狎反背胛也

立皇子明為曹王考異

皇字美按凡例注封立出於天子不應自謂其子為皇子

曹王明母楊氏巢刺王之妃也有寵於上文德皇后之崩也欲立為皇后魏徵諫曰陛下方比德唐虞奈何以辰嬴自累乃止尋以明繼元吉後范氏曰太宗殺弟而納其妃其漬人倫甚矣又以明繼元吉後是彰其母之集覽以辰嬴自累累玷也左傳文六年辰為弟婦也嬴嬖於二君注辰嬴懷嬴也僖十七年晉太子圉質於秦秦以嬴氏妻之二十二年子圉逃歸是為懷公故嬴氏號懷嬴二十三年晉公子重耳奔秦秦伯納女五人懷嬴與焉蓋懷嬴重耳之姪婦也今巢刺王之妃乃太宗之弟婦故魏徵以辰嬴為喻

書法

明者何巢刺王妃所生也太宗十四子無不王者不悲書書曹王譏漬淪也

發江南工人造大船

欲復征  
高麗也

冬十一月突厥車鼻可汗遣使入貢

車鼻本突厥同族頡利之敗諸部欲立之時薛延陀方彊車鼻不敢當帥衆歸之薛延陀以車鼻貴種有勇畧恐其為後患欲殺之車鼻逃去建牙金山之北自稱可汗突厥餘衆稍歸之及薛延陀敗車鼻輒益張遣子入見又請入朝集覽車鼻可汗之號遣使徵之車鼻不至集覽車鼻可汗之號質實建牙也車鼻可汗之號

注見漢獻帝初平三年金山  
注見隋恭帝侗皇泰二年

徙順陽王泰為濮王質實

濮郡名注見  
周安王五年

○十二月遣阿

史那社爾等擊龜茲

龜茲王訶黎布失畢寢失臣禮侵漁鄰國上怒詔阿史那社爾契苾何力郭孝恪等將兵擊之

戊申 二十二年春正月作帝範以賜太子

上作帝範十二篇以賜太子曰君體建親求賢審官納諫去讒戒盈崇儉賞罰務農閱武崇文且曰修身治國備在其中一旦不諱更無所言矣然汝當更求古之哲王為師如吾不足法也夫取法於上僅得其中取法於中不免為下吾即位已來不善多矣顧弘濟蒼生肇造區夏功大益多故人不怨業不墮然比之盡美盡善固多愧矣汝無我之功勤而承我之富貴竭力為善則國家僅安驕情奢縱則一身不保且云建敗速者國也失易得難者位也可不惜哉可不慎哉○初羣臣或請集上文章上曰朕之辭令有益

於民者史皆書之足為不朽若其無益集之何用梁  
武帝父子陳後主隋炀帝皆無文章何救於亡人主  
患無德政文章質實肇造區夏周書康誥篇肇造  
何為遂不許我區夏注肇始也區夏猶言

中夏

中書令馬周卒

上親為調藥  
使太子臨問

以崔仁師為中書侍郎參知機務○遣薛萬徹伐高麗  
○以長孫無忌檢校中書令○結骨俟利發入朝

結骨人皆長大赤髮綠睛自古未通中國至是其俟  
利發失鉢屈阿模來朝請除一官詔以為堅昆都督

是時四夷君長爭入獻見每元正朝賀常數百千人  
上曰漢武帝窮兵三十餘年所獲無幾豈如今日綏  
之以德使窮髮之  
**集覽** 結骨注見漢宣帝黃龍元年  
地盡為編戶乎 堅昆侯利發失鉢屈阿棧侯

利發結骨君長之號失鉢屈阿棧結骨君長之名也  
侯渠之反窮髮之地莊子逍遙遊篇窮髮之北成玄  
英疏云地以草木為髮毛北方寒極草木不生故曰  
窮髮所謂不毛之地也列子湯問篇終髮北之北注  
髮猶毛也北極之北有不毛之地  
林希逸口義云終髮即窮髮也

# 如玉華宮考異

如上帝字漏

上營玉華宮務為儉約惟寢殿覆瓦餘皆茅茨然所  
費已巨億計克容徐惠上疏曰今東征高麗西討龜  
茲營繕相繼服玩華靡夫以有盡之農功填無窮之  
巨浪圖未獲之他衆喪已成之我軍地廣非常安之

衛人勞乃易亂之源也珍玩技巧乃喪國之斧斤珠玉錦繡實迷心之耽毒作法於儉猶恐其奢作法於奢何以制後上善其言甚禮重之

**集覽**

兗容徐惠元容九嬪之一徐惠其姓名生五月能言四歲

通論語詩八歲自曉屬文太宗召為才人後進為兗容

**質實**

徐惠孝德之女唐太宗朝為才人卒

贈賢妃

崔仁師坐罪除名流連州考異

提要坐作以

坐有伏闕訴冤者仁師不奏也

**質實**

連州注見隋文帝開皇十四年陽山

三月故隋后蕭氏卒

詔復其位號諡曰愍使三品護葬江都

**質實**

江都縣名注見漢獻帝興平元年



書法

蕭氏何煬后也亡國之后未有書卒者此其書何美存厚也於是隋亡唐興餘三十年矣

然則曷為不書崩隋失天下也是故失天下之王書卒錄周報王失天下之后書卒綱目書故后卒

二是年故隋后五代

庚戌年故晉太后

夏四月遣武侯將軍梁建方擊松外蠻降之○西突厥

葉護賀魯來降

吐陸既奔吐火羅部落亡散其葉護阿史那賀集覽

魯帥其餘衆數千帳內屬詔以為瑤池都督

吐陸十六年奔吐火羅葉護賀魯葉護突質實

吐火羅西

厥大臣之稱賀魯其名也姓阿史那氏

域國名注見貞觀十六年

五月遣右衛長史王玄策使天竺因襲擊之執其王以歸

初中天竺兵最彊四天竺皆臣之王玄策奉使至其國會其王卒其臣阿羅那順自立發胡兵攻玄策玄策脫身宵遁抵吐蕃西境徵鄰國兵吐蕃泥婆國皆遣兵赴之玄策帥之進至中天竺連戰三日大破之城邑聚落降者五百八十餘所俘阿羅那順以歸

集覽

泥婆即泥婆羅國在吐蕃之西樂陵川

質實

中天竺西域國名注見漢武帝元狩元年吐蕃西羌之屬注見貞觀八年

書法

遣玄策者使天竺兩襲擊而執其王玄策之罪也其不書玄策襲擊何據高宗調露元年

裴行儉襲擊阿史那再行儉病帝也帝自高麗之挫思立邊功以雪此耻故敕勒之降至於備禮

告廟頌示普天甚而作詩勒石以侈之立策窺見帝心所以敢有此事也而未聞薄行專命之罰則帝之意可知矣綱目書曰遣王立策使天竺因襲擊之執其王以歸若帝遣之為此者所以深病帝也

發明

以分註觀之天竺攻劫使者罪誠可誅以綱目觀之則立策出使有旨乃擅襲人之國又

執其王以歸則非義矣王者不勤遠略務廣德而不務廣土烏可恃疆陵弱以生事邀功於絕域哉書使天竺書因襲擊書執以歸皆罪之也

## 宋公蕭瑀卒

瑀卒太常議諡曰德尚書議諡曰肅上曰諡者行之迹當得其實可諡貞褊子銳嗣初銳尚上女襄城公

主上欲為之營第公主固辭曰婦事舅姑當朝集覽

夕侍側若居別第所闕多矣上命即瑀第營之

貢福以其性忌質實宗縣名注見漢後主延熙十八年襄城郡名注見周報王十五

# 殺華州刺史李君羨

識緯之說本不足據如唐太宗以疑誅李君羨既失為政之體而又無益於事可為信識者之戒

太白屢畫見太史占云女主昌民間又傳秘記云唐三世之後女主武王代有天下上惡之以武衛將軍李君羨小名五娘而官稱封邑皆有武字出為華州刺史御史復奏君羨謀不軌上遂誅之上嘗密問太史令李淳風秘記所云信有之乎對曰臣仰稽天象俯察歷數其人已在宮中自今不過三十年當王天下殺唐子孫殆盡其兆既成矣上曰疑似者盡殺之何如對曰天之所命人不能違也王者不死徒多殺

不幸且自今以往三十年其人已老庶幾頗有慈心  
禍或淺今借使得而殺之天或生壯者肆其怨毒  
陛下子孫無**集覽**太白晝見注見高祖**質實**華州  
逢類矣上乃止**武德九年太白經天**注見

玄宗開元十一年不軌  
注見漢靈帝光和五年

**發明**

隋以疑似而殺李渾然卒無益於事此太宗  
之所親見也不以為戒而反襲其跡則亦同

歸於亂耳夫賊在宮中反乃求之遠外果何謂耶  
書殺書爵亦徒以重濫殺之禍而已君美之死可  
哉哀也

### 三侯梁公房玄齡卒

玄齡留守京師疾篤上徵赴玉華宮肩輿入殿相對  
玄齡因留宮下候問不絕玄齡謂諸子曰吾受主上

恩今天下無事惟東征無已羣臣莫敢諫吾知而  
不言死有餘責乃上表曰老子曰知足不辱知止不  
殆陛下威名功德亦可足矣拓地開疆亦可止矣且  
陛下每決一重囚必令三覆五奏膳素止樂者重人  
也今驅無罪之士卒委之鋒刃之下使之肝腦塗  
地獨不足愍乎向使高麗違失臣節誅之可也侵擾  
百姓滅之可也他日能為中國患除之可也今無此  
三條而坐煩中國內為前代雪耻外為新羅報讐豈  
此所存者小所損者大乎願陛下許高麗自新焚凌  
之船罷戍募之衆自然華夷慶賴遠肅適安臣旦  
入地僅榮錄此哀鳴死且不朽上自臨視握手與  
悲不自勝卒諡曰文昭柳芳曰玄齡佐太宗定天  
下及終相位凡三十二年天下號為賢相然無跡可  
尋德亦至矣故太宗定禍亂而房杜不言功王魏善  
諍而房杜讓其賢英衛善將兵而房杜行  
道理致太平善歸人主為唐宗臣固宜哉

集覽

凌波

之船泛海之舟房杜房玄齡杜如晦王魏質實老子注見

王珪魏徵英衛英國公李勣衛國公李靖  
宋營陽王景平元年新羅東夷國  
名注見漢武帝元封二年朝鮮

秋八月朔日食○九月以褚遂良為中書令○冬十月

帝還宮○雅眉邛州獠反

初上以高麗因契議以明年發三十萬衆一舉滅之  
或以劔南隋末無寇屬者遠東之役又不預徵發百  
姓富庶宜使造舟上從之遣使發民造船役及山獠  
於是三州獠反發隴右峽中兵二萬餘人以擊之蜀  
人苦造船之役州縣督迫嚴急民至賣田宅鬻子女  
不能供穀價踊貴劔外騷然范氏曰惟兵者不祥之  
氣不得已而用之太宗伐高麗其得已而不已者乎  
及其不服則又不能反已至欲傾天下之力以逞其

志何其迷而不復也夫天下如一身四方猶手足師  
役手足之病也以高麗之役不及於蜀而必欲疲之  
是一支病而使別支皆被其痛豈愛身之道乎

**集覽**

劔南元年以州郡頗多分天下為十道其九曰

劔南道今成都府梓州利州劍州是其地也

**質實**

眉雅

山獠獠本作獠竹交反又音老西南夷名  
卯三州名雅注見僖宗中和二年一統志云眉古地  
名本秦蜀郡地漢為武陽南安二縣地屬犍為郡蜀  
漢及晉宋皆因之齊分置齊通郡梁立青州西魏改  
眉州治通義縣後周復為青州尋改嘉州治蛾眉縣  
隋復為眉州大業初改眉山郡治龍遊縣唐復為嘉  
州尋析嘉州別置眉州治通義縣天寶初改通義郡  
乾元初復為眉州宋因之改通義縣曰眉山以州屬  
成都路元屬嘉定府以附郭眉山縣省入本朝初改  
為縣後復為州隸四川道卯注見僖宗中和二年高  
麗東胡種名注見漢武帝元封二年朝鮮劔南道名



注見晉武帝泰始八年益州龍右注見秦王政三年龍西峽中注見漢獻帝建安二十四年峽口

十一月奚契丹內屬質實

奚契丹東胡種名注見睿宗太極元年

○回紇

吐迷度為其下所殺詔立其子婆閏考異

當書回紇其可汗吐迷

度

書法

回紇始見綱目

○十二月阿史那社爾擊龜茲執其王布失畢

阿史那社爾引兵自焉耆之西趨龜茲北境分兵為五道出其不意焉耆王奔龜茲社爾遣兵擊斬之進屯磧口龜茲王布失畢及相那利戰敗走保都城社爾進軍逼之拔其城使郭孝恪守之布失畢走保撥

欽定四庫全書

御批資治通鑑綱目

卷八

換城社爾追擒之那利收合餘燼潛引西突厥之眾  
襲殺孝恪驍衛將軍曹繼叔等擊那利獲之社爾破  
其大城五遣使諭降七百餘城立王弟葉  
護為王西域震駭社爾勒石紀功而還

集覽

相那那

利名也龜  
茲之相

質實

馬耆西域國名注見漢安帝永寧  
元年磧口注見玄宗開元三年

酉<sup>巳</sup>二十三年春正月遣驍衛郎將擊突厥車鼻可汗

書法

郎將何以不名削之也帝自安市班師之後  
急於雪耻思立奇功車鼻入貢未聞其犯塞

也而遽興師尤為無名矣故例書  
擊而於其末也將不書名高侃

○三月帝有疾詔太子聽政○夏四月如翠微宮○五

月以李勣為疊州都督考異

李下漏  
世字

上謂太子曰李世勣才智有餘然汝與之無恩我今  
黜之若其即行俟我死汝用為僕射親任之若徘徊  
顧望當殺之耳乃左遷世勣為疊州都督世勣受詔  
不至家而去范氏曰太宗以世勣為何如人哉以為  
愚也則不可託幼孤而寄天下笑以為賢也當任而  
勿疑乃憂後嗣之不能懷服先黜之而後用是以犬  
馬畜之也夫欲奪其心而折之以威欲得其力而懷  
之以恩此漢祖黜彭祖詐之術五伯所不為也苟  
以是心待其臣則利祿之士可使也若夫祿之以天  
下而不顧繫馬千駟而不視者豈得而使之哉孫氏  
曰君待臣以道臣以道報之君待臣以利臣以利報  
之此必然之理也太宗以勣輔太子而為此詭計勣  
之機心豈不曉以利誘乎廢立之際不肯盡忠雖  
勣無大臣之節亦太宗以利啟其心也

**集覽**

疊

括地志云合州屬郡也在隴右

**正誤**

疊州今按疊州西羌之地周武  
帝置以山重疊名之唐地理志

隴右通疊州合川合川郡質實徘徊不進貌低垂沉滯之

合州疑即合川字誤

意一統志云疊州唐初所

置武德中析洮州之合川疊川樂川之地為之後廢

焉故域在陝西洮州衛軍民指揮使司城南界黔彭

謂黔布彭越狙詐之術注見宋孝武帝大明二年朝三暮四五伯注見漢武帝建元元年

衛公李靖卒考證

當分註

質實

衛州名注見秦王政六年朝歌

○帝崩

長孫無忌褚遂良受遺詔輔太子還宮發喪罷遠東兵

上苦痢增劇太子晝夜不離側或累日不食髮有變

白者上召長孫無忌褚遂良入卧内謂之曰太子仁

孝善輔導之謂太子曰無忌遂良在汝勿憂天下又

謂遂良曰無忌盡忠於我我有天下多其力也我死

勿令讒人間之仍令遂良草遺詔有頃上崩秘不發

喪無忌等請太子先還飛騎勁兵及舊將皆從大行

御馬輿繼至發喪宣遺詔罷遼東之役及諸土木之功四夷入仕及朝貢者數百人聞喪皆慟哭剪髮落而割耳流

**集覽**

大行御馬輿大行注見漢昭帝元平元年御乘也言臣下所進御也萬乘

稱車輿以馬駕車故曰馬輿

**質實**

遼東郡名注見秦王政三年

**書法**

賀善贊曰太宗令德善政相望于冊莫難於再書出宮女三千書聘鄭氏為充華既而罷

之三者其失德亦不少莫大於書殺太子建成齊王元吉書帝自稱太上皇太子即位書立皇子明為曹王三事綱目於太宗予之之意不如惜之之深也

以于志寧張行成為侍中高季輔為中書令○六月太

子即位考證

太子作太子治

高宗初即位召朝集使謂曰朕初即位事有不便於百姓者悉宜陳不盡者更封奏自是日引刺史十人入閤問以百姓疾苦及其政治嘗問大理卿唐臨繫囚之數對曰見囚五十餘人惟二人應死上悅上嘗繫繫因前卿所處者多號呼稱冤臨所處者獨無言上怪問其故因曰唐卿所處本自無冤上嘆息良久曰治獄者不當如是邪有洛陽人李泰弘誣告長孫無忌謀反上立命殺之無忌遂良同心輔政上亦尊禮二人恭已以聽之故永徽之集覽朝集使注見陳政百姓阜安有貞觀之遺風宣帝大建十三

年錄繫囚注見漢明帝永平十四年

### 改官名犯先帝諱者

先是太宗二名令天下不連言者勿避至是始避之

發明

二名不偏諱禮也太宗名世民令天下不連言者勿避是以其臣如李世勣虞世南之類

皆不復改易至是始令避之亦可謂有近古之風矣自世俗諂諛成風遂至舊諱嫌名稍涉疑似者皆缺不用由是忌諱繁多名實混亂胡不觀諸綱目所書李世勣之類而體倣之乎○丘濬曰周人以諱事神故於先世之諱祭祀之際尤嚴焉然禮不諱嫌名二名不偏諱詩書不諱後世乃至以理易治以代易世諱晉而不稱進士之名諱桓而併改音完之字則太甚矣雖然臨文讀書嫌名二名固可以不諱也若夫命名之際則不可不謹焉夫嫌名固不諱矣若姓同於國者名字偶有犯於嫌音疑似之間可但已乎二名固不諱矣然以祖宗廟諱為已之名稱及以命其子孫可乎故雖君上不為之禁而凡為臣子者心有所不安則耳有所不忍聞口有所不忍道也

以長孫無忌為太尉李勣為開府儀同三司並同三品

○秋八月地震

晉州尤甚壓殺五千餘人質實晉州注見漢獻帝建安七年河東

書法

於是晉州尤甚壓死五千餘人綱目書地震一百一詳秦王政十六年有言民死甚衆者

有言壓死四百餘人者有言四千餘人者數未有多於此者也

葬昭陵

阿史那社爾契苾何力請殉葬上遣人諭以先旨不許蠻夷君長為先帝所擒服者頡利等十四人皆琢石為象列於北司馬門內范氏曰太宗以武撥亂以仁勝殘其材畧優於漢高而規模不及也恭儉不若



孝文而功烈過之矣迹其性本彊悍勇不顧親而能畏義好賢屈已從諫刻厲矯揉力於為善此所以致貞觀之治也夫賢君不世出自周武成康歷八百餘年而後有漢漢八百餘年而後有太宗其所以成就者如此豈不難得哉人君擇其善者而從之足以得師其不善者以戒之足以為資矣胡氏曰太宗見隋煬拒諫而亡力反其道勉彊納諫自漢以後一人而已可謂賢矣然前失雖更後失繼作其初讜言交至則治安之效著其後忠益向少則危亂之漸多其比太甲之處仁遷義成王之懲前毖後豈直倍蓰哉當時以諫諍為己任而為太宗所畏敬者莫若魏徵然其生也嘗欲殺之其死也竟納讒間太甲成王豈有是耶夫伊尹周公心傳堯舜之道而無差者也鄭文貞公口言堯舜之道而或中者也然伊周能使太甲成王為商周之賢主而猶不能使之為湯武也則魏徵格君與太宗所就止於如是無足怪矣

集覽

殉葬以人從死也記檀弓陳子車死其妻與其家大夫謀以殉葬定而後陳子亢至以告曰夫子疾莫養於下請以殉葬子亢曰以殉葬非禮也雖然則彼疾當養者孰若妻與宰吾欲以二子者之為之也於是弗果用又陳乾昔寢疾屬其兄弟命其子曰如我死則必大為我棺使吾二婢子夾我陳乾昔死其子曰以殉葬非禮也況又同棺乎弗果殺司馬門注見秦二世三年倍蕤子本等曰倍五倍曰蕤蕤物數也蓋子或相信蕤注蕤音師又山綺反**質實**一統志云昭鄭文貞公魏徵封鄭公諡曰文貞**質實**陵在西安府醴泉縣九峻山有廟存焉陪葬諸王七公主二十七妃嬪八又房玄齡杜如晦魏徵馬周岑文本崔敦禮李勣李靖溫彥博蕭瑀高士廉長孫無忌許敬宗凡十三人皆以宰相陪唐儉妻晦李大亮虞世南杜正倫姚思廉褚亮薛收馬載段綸張後胤孔志亮闕立本房仁裕竇庭蘭盧貞松裴藝李珍等凡五十三人

俱以承郎三品陪阿史那忠尉遵敬德秦叔寶  
周護仁等凡六十四人俱以功臣大將軍陪

九月以李勣為左僕射○冬十二月詔濮王泰開府置僚屬

書法

高宗於是為不宿怨矣書美之也

庚戌高宗皇帝永徽元年春正月立妃王氏為皇后○詔  
衡山公主侯喪畢成昏

太宗女衡山公主應適長孫氏有司以為服既公除  
欲以今就成昏于志寧言漢文立制本為百姓公主  
服本斬衰縱使服隨例除豈可情隨例改請俟三年  
喪畢成昏上從之范氏曰君喪三年自古以來未之

改也漢文率情變禮雖欲自損以便人而不知使人入於夷狄也自是以後民不知戴君之義而嗣君遂亦不為三年之服唐之人主鮮能謹於禮者故有公除而議昏亮陰而舉樂忘父子之親固不可矣然如漢文之制志寧之議是亦有父子而無君臣也內無父子外無君臣而欲教化行禮俗成難矣為國家者必務草漢文之薄制遵三代之隆禮教天集覽漢文下以方喪三年則眾著於君臣之義矣立制

漢文帝遺詔短喪注見晉武帝泰始二年以日易月亮陰注見漢昭帝元平元年諒闇方喪三年記檀弓

上事君有犯而無隱左右就養有方服勤至死質實方喪三年注方喪資於事父凡此以義為制

衡山縣名注見太宗貞觀十七年斬衰注見漢昭帝元平元年

書法

喪畢成昏常禮也其書何唐俗以公除昏嫁久矣於是始正故特書之

發明

昏禮未有不從吉之後者何必特書于冊所以制有司之失著禮制之變耳綱目凡昏

姻常事不書其見於特書皆有得失存乎其閭觀者不可不察也

秋九月高侃擊突厥車鼻可汗擒之

侃至阿息山車鼻發諸部兵皆不應遂以數百騎走侃追獲之送京師獻於廟社及昭陵而赦之置狼山都督於營督軍山統其餘衆於是突厥諸部盡為內臣置單于瀚海二都護府十都督二十二州分統之自是北邊無質實單于注見秦

寇三十餘年

質實

王政三年

冬十月李勣解僕射仍同三品以褚遂良為同州刺

史

監察御史韋思謙劾奏遂良質實韋思謙鄭州人左

抑買人地左遷同州刺史

遷注見漢宣帝元

康二年同州注見  
玄宗開元十一年

發明

遂良受遺輔政固當正身格君豈容買地以

自汙然爾命大臣非有大過豈宜輕於譴逐

坐是左遷亦既為之兆矣書遂良刺同州

而不言其過遂良尚可知進而不知退乎

二年春正月以黃門侍郎字文節中書侍郎柳奭同

三品秋七月西突厥賀魯殺射匱可汗自立為沙鉢

羅可汗詔武侯大將軍梁建方等討之考異

討當作擊

詔池都督阿史那賀魯招集離散唐帳漸盛聞太宗

尚以其衆反擊破射匱可汗併其衆自號沙鉢羅可

汗西擊射匱滅之勝兵數十萬與乙毗咄陸連兵處  
月處密及西域諸國多附之至是進寇庭州攻陷金  
嶺城詔梁建方契苾何力發兵  
三萬及回紇五萬騎以討之  
**集覽** 廬帳漢書所謂  
曰穹廬旗帳也其形穹隆故曰穹廬處月處密  
處月與處密皆西域國名也本西突厥之別部  
西域注見漢哀帝元壽二年庭  
州注見齊明帝建武四年高昌  
**質實**

八月以于志寧張行成為僕射同三品高季輔為侍中

○冬十一月詔獻鷹隼犬馬者罪之

**書法**

書美之也綱目書獻而却者四禁罷貢獻者  
十四詳漢文帝元年莫嚴於罪之之詔者矣

**發明**

是時高宗初政清明故其施設如此夫罷獻  
鷹犬已為盛德況又從而罪之乎書法若是

蓋予之也

壬子三年春正月吐谷渾新羅高麗百濟並遣使入貢○

梁建方等大破處月朱邪於牢山

先是處月朱邪孤注殺招慰使與突厥賀魯相結建方破之於牢山生擒孤注斬首九千級軍還御史劾奏建方逗遛高德逆敕令市馬而自取駿者上以其有功釋不問大理卿李道裕奏請以其馬實中廐上曰道裕法官進馬非其本職妄希朕意豈朕行事不為臣下所信邪朕方自咎故不復黜道裕耳

集

覽

朱邪處月之別種西突厥苗裔本號朱邪世居金婆山之陽蒲類海東其地有大磧名沙陀後因以

沙陀為號以朱邪為姓唐憲宗時有朱邪盡忠始見於中國其後有朱邪赤心懿宗時賜姓李名國昌克



用其子也質實 逗遛注見漢昭  
帝元平三年

以褚遂良為吏部尚書同三品○二月御安福門樓觀

百戲考異

御上漏  
帝字

上謂侍臣曰朕舊聞胡人善為擊鞠嘗一觀之昨初  
升樓即有羣胡擊鞠意謂朕為好之也帝王所為豈  
宜容易朕已焚此鞠糞杜胡人窺望之情亦因以自  
誠范氏曰高宗即位之初問民疾苦尊禮輔相察道  
裕希旨而自責觀胡人進戲而自戒率是道也豈不  
足為賢君哉不數年而恃驕昏惑卒成武氏之篡何  
哉初親賢後用集覽擊鞠崔豹古今注黃帝習兵之  
倭也可不戒哉勢或曰起戰國所以練武士因  
嬉戲而講習之業擊鞠猶今言打毬  
謂騎而以杖擊之者又非蹋鞠之說

書法

凡觀戲也觀戲甚矣終綱目書觀十詳漢後主建興十四年而書觀戲者三是年中宗神

龍元年景龍三

年作述一轍也

三月以宇文節為侍中柳奭為中書令韓瑗為黃門侍

郎同三品○秋七月立陳王忠為皇太子質實

陳州名注見周

報王三

十六年

王皇后無子其舅柳奭為后謀以忠母微賤勸后請立為太子上從之

九月以中書侍郎來濟同三品○冬十一月濮王泰卒

質實

濮州名注見周安王五年

書法

卒濮王何善帝也高宗於是可謂以恩始終矣

發明

前代宗親有疑似之迹者率皆不得良死濮王泰乃窺伺儲位之人此正夫人所當致其

察者故前書開府置僚屬而此書其卒正以著其始終無他予以見高宗友愛保全之意矣亦豈無故而書之也哉

癸丑 四年春二月散騎常侍房遺愛及高陽公主謀反伏

誅遂殺荆王元景吳王恪流宇文節於嶺表

初房遺愛尚太宗女高陽公主公主驕恣甚與浮屠辯機等數人私通事覺怨望遂使掖庭令陳玄運伺宮省機祥遺愛亦與駙馬都尉薛萬徹柴令武謀奉荆王元景為主以舉事至是公主謀黜遺愛兄遺直

封爵使人誣告遺直罪上令長孫無忌鞠之更獲遺愛及主反狀吳王恪有文武才素為物情所向太宗欲立之無忌固爭而止遂與無忌相惡無忌欲因事誅之遺愛因言與恪同謀冀得免死於是遺愛萬徹令武皆斬元景恪高陽巴陵公主並賜自盡恪且死罵曰長孫無忌竊弄威權構害良善宗社有靈當族滅不久宇文節江夏王道宗執失思力並坐與遺愛交通流嶺表道宗素與無忌及褚遂良不協故皆得罪罷玄齡配饗胡氏曰唐起晉陽裴劉之謀太宗承統房杜之策也是其富貴安榮當與有唐相為始終而禍敗之及或在其身或在其子孫何也裴寂以貧賤為歎文靜在縲紲之中贊唐公父子起事非有極亂匡時之畧亦欲自免因圖富貴而已房杜之質固非裴劉所敢班然太白經天之際密進籌畫使太宗手剪兄弟并殺其子十人此不但陳平之陰禍而已其宗嗣不延宜哉故四族既隕而唐之子孫亦幾殲

于武氏善惡之積各以類應反爾之戒酷亦甚矣然  
後知聖人行一不義殺一不辜而得天下所不為者  
豈徒然哉又曰無忌因遺愛之獄濫及吳王遂良所  
宣探止也既不能然復以素不相協而斥道宗其不  
能保終而來護口有以也夫又曰父子兄弟罪不相  
及今以遺愛絀玄齡而無忌遂良奉承不諫其以為  
嫌乎抑以為是乎二集覽浮屠辯機浮屠僧也辯機  
者必居一焉皆失也僧之名機祥注見隋文帝  
周皇十四年相惡左傳隱三年周鄭交惡注交惡兩  
相惡也惡如字又定十三年韓簡子與中行文子  
相惡注惡如字又烏質實房遺愛臨淄人玄齡之子  
外反執失虜複姓高陽縣名注見晉愍帝建  
興四年板庭令官名注見漢景帝後元元年巴陵縣  
名注見晉明帝咸和四年晉陽縣名注見周威烈王  
二十三年裴劉謂裴寂劉文靜房杜謂房玄齡杜如  
晦繼注見隋文帝開皇二十年太白經天注見高

趙武德

九年

書法

四人之死一也或書伏誅或書遂殺綱目有以斷斯獄矣

發明

遺愛元景恪同以反誅而所書不同何也遺愛謀奉荆王固非出於荆王首謀若恪則又

長孫無忌惡而濫殺之耳故特書遂殺者明其因遺愛之反而遂因事以殺之也不然輕重是否幾矣

以李勣為司空○秋九月北平公張行成卒以褚遂良

為右僕射質實

北平縣名注見漢高帝七年

○冬十一月以崔敦禮

為侍中○十二月高季輔卒○西突厥咄陸可汗死

乙毗咄陸死其子頡苾達度設號真珠葉護  
與沙鉢羅有隙擊破之尋復為沙鉢羅所併

寅甲 五年春三月以太宗才人武氏為昭儀

初蕭淑妃有寵王后疾之上之為太子也入侍太宗  
見才人武氏而悅之太宗崩武氏出為尼忌日上詣  
寺行香見之泣后聞之陰令長髮納之後宮欲以間  
淑妃之寵武氏巧慧多權數初入宮屈體事而后數  
稱其美未幾大幸拜為昭儀后及淑妃寵皆衰更相  
與譖之上皆不納昭儀欲追贈其父而無名故託以  
褒賞功臣徧贈屈矣**集覽**大幸蔡邕曰妃妾之接於  
通等而武士難與焉**寢**曰御御之親愛者曰幸  
**質實**才人女官名南史曰晉武帝采漢魏之制三夫  
人外有才人又云晉武所置而通典內命職漢  
有才人則疑漢置矣武氏名墨太原人士難之女昭  
儀女官名事物紀原云漢元帝置昭儀封后代或省

元魏置左右昭儀視大司馬北齊文宣時比丞相唐為九嬪也

書法

昭儀不書書武氏志禍始也直書太宗才人而高宗之愆德不可掩矣故魏主以爾朱為

后則書肅宗嬪宋丙申年高宗以武氏為昭儀則書太宗才人是年皆惡其漬倫也綱目之筆嚴矣哉

發明

貞觀十一年書以武氏為才人距太宗之終十有三年則武蓋十三年在宮中侍太宗矣

當高宗為太子入侍之時見而悅之已有無父淫烝之意若以春秋誅心之法論之其去楊廣僅一間耳時移地改浸浸忘之一旦忽見可欲此心勃然而生蓋其不善之念猶投種於地有待而發而終不能改也夫人之異乎禽獸者以有禮義耳衛公子碩通乎君母詩人疾之以為鶉鵲之不若漢



史載諸王淫亂之事謂其為鳥獸行內亂今武氏  
久侍太宗而高宗納之後宮立為昭儀未幾遂正  
位中宮母儀天下縱使無亂唐之事亦不可見于  
宗廟臨於民上矣衛有鶉鵲之亂遂為狄人所滅  
唐有聚麀之亂子孫殲滅幾盡自古淫汙內亂之  
事未有不亡國敗家者綱目特以太宗才人武氏  
書之則高宗上烝父妾罪曉  
然矣求免禍亂之作得乎

### 夏閏四月帝在萬年宮夜大雨

上在萬年宮夜大雨山水衝玄武門衛士皆走郎將  
薛仁貴曰天子有急敢畏死乎登門枕大呼以警宮  
內上遽出乘高俄而水集覽門枕枕古黃反門之上  
八寢殿漂溺三千餘人橫木所以安戶扉者謂  
之門枕猶質實萬年宮注見隋文帝  
言門楣開皇十三年仁壽宮

書法

書帝在何咎不明也三月立昭儀而閏四月大水夜入寢殿漂溺三千餘人女寵之戒昭

昭矣綱目聯書之而特書帝在若曰天即其所而戒之雖面命不啻而帝不悟也其旨深矣終綱目

書大水六十三詳漢文帝元年水入官者一而已水書夜者一而已是年

發明

武氏入宮水沴隨之然太宗時洛溢在先固未易以致祭至高宗時水變在後不出越水

之間而又溢入寢殿則其應曉然明矣彼昏不知惜不加祭尚可與之言乎綱目上書武氏為昭儀下書帝在萬年官夜大水其為世鑒豈不深切著明也哉

# 六月恒州大水

漂溺五千餘家胡氏曰謂治亂非天數邪則周秦卜世漢家陽九隋蕭平仲唐李淳風之言不誣也謂皆

天數邪則高宗正厥事周公代凡死宣王側身修行  
旱不為災之應不誣也古先聖王所以不恃天命必  
盡人事如醫者療疾雖有死徵而必異其生也唐太  
宗有功在人無一世即亡之理故天於高宗再三譴  
告庶其覺悟惜乎高宗之不察也即位之歲地震晉  
陽武氏入宮水入寢殿雖父之詔子諄諄然命之不  
若是切矣高宗既視之漠然大臣亦無以恐懼修省  
告其君者豈天固欲中徵唐室耶何人謀之忽不如  
天意之

### 集覽

漢家陽九陽九阨也漢律厯志三統閏  
法初入元百六陽九凡四千六百一十

七歲為一元終注云所謂陽九之阨百六之會初入  
元百六歲有阨者則前元之餘氣也若餘分為閏也  
漢書音義曰一元之中有九阨陽九陰九四陽為  
旱陰為水即入元百六歲有陽阨故曰百六之會文  
選吳都賦世濟陽九注易無妄曰災氣有九陽九五  
陰九四合為九一元之中四千六百一十七歲各以

數至陽危又漢成帝時谷永曰陛下當質實恒州注陽數之標季注孟康曰陽九之末季也見漢光武建武九年常山高宗正殿事商書高宗彤日篇高宗彤日越有雉雉祖己曰惟先格王正殿事周公代兄死通鑑周武王二年王有疾周公為壇告太王王季文王請代武王之死周公乃以卜書藏於金縢櫃中王疾瘳宣王側身修行通鑑周宣王二十三年王嘗宴起姜后脫簪珥待罪於永巷使其傅母通言於王曰王樂色而忘德失禮而晏起亂之興自婢子始敗請罪王曰寡人不德實自生過非夫人之罪也自是側身修行勤於政事早朝宴罷卒成中興之名諄諄誨語重複也

# 柳奭罷

與以王后寵  
衰求罷許之

冬十月築長安外郭

雍州參軍薛景宣上言漢惠帝城長安尋晏駕今復城之必有大咎于志寧等以景宣言涉不順請誅之上曰景宣雖狂妄若得罪恐絕言路遂赦之。上嘗謂宰相曰聞所在官司行事互觀顏面多不盡公長孫無忌對曰此豈能無然亦不至肆情曲法至於小收取人情恐陛下亦不能免上嘉納之胡氏曰常情易私而難公況帝王位尊威福自我雖格以公道猶肆於情欲也况為開其私邪之路乎高宗以官司不盡公問無忌無忌宜勸其君正身以率臣下其私徇曲法者刑責加焉則朝廷正矣無忌乃導以收取人情其為蠹政豈有既邪。上嘗出岐遇雨問諫議大夫谷那律曰雨衣若為則不漏對曰以瓦為之必不漏上悅為之罷獵。引駕盧文操盜左藏物上命誅之諫議大夫蕭鈞諫曰文操情實難原然法不至

死上乃免之顧侍臣曰此真諫議也○上嘗謂五品以上曰頃在先帝左右見五品以上論事或仗下面陳或退上封事終日不絕豈今日獨無事邪何公等皆不言也范氏曰以高宗之闇而求言如此由祖宗為之法也詩曰詒厥

**集覽**

仗下而陳謂仗退之後而孫謀太宗之謂矣

兵及殿前兩司號曰三衛三衛番上分為五仗一曰供奉仗二曰親仗三曰勲仗四曰翊仗五曰散手仗皆帶刀提仗列坐于東西廊下又每月以望十六日立內廊間外號曰內仗車馬之衆盛矣初貞觀之制中書門下及三品官奏事必使諫官史官隨之有失則匡正美惡必記之諸司皆正衙奏事御史彈百官服旁冠對仗請彈文及許敬宗等用事奏事官多俟仗下於御座前屏人密奏監察御史及待制官遠立以俟其退諫官史官皆隨仗

**質實**

雍州注見玄宗開元十一年京兆晏

出仗下後事不復預聞也

駕注見漢高帝十二年谷那律魏州昌樂人左藏庫名注見代宗大歷四年蕭鈞蘭陵人瑀之從子

### 書法

外郭未有書者書此何重京都也終綱日書築外郭四

八年五代已亥

年皆都城也

### 大稔

洛中粟米斗兩錢半秬米斗十一錢隋質實洛中注開皇中戶八百七十萬今三百八十萬

王三年  
洛陽

### 書法

東魏嘗書大稔矣梁辛酉年於是再見終綱目書大稔四梁辛酉年是年德宗貞元三年

憲宗元和六年書大熟一晉武帝太元七年書有年大有年不與焉

### 欽定四庫全書

御批資治通鑑綱目

發明

是時君德寔昏何以獲歲登之效得非太宗遺澤所及乎自是而後北鷄司晨無復善治

天下日益多事矣不書有年而書大稔遂與東魏同科蓋亦予之而不盡予者也其旨微矣

以長孫無忌子三人為朝散大夫考異

子上當有無字

王皇后蕭淑妃與武昭儀更相譖訴后不能曲事上左右昭儀伺后所不敬者必傾心與相結由是后及淑妃動靜昭儀必知之皆以聞於上后寵雖衰然上未有意廢也會昭儀生女后憐而弄之后出昭儀潛扼殺之上至昭儀陽笑發被觀之女已死矣即驚啼問左右左右皆曰皇后適來此上大怒曰后殺吾女昭儀因泣數其罪后無以自明上由是有廢立之志又恐大臣不從乃與昭儀幸長孫無忌第酣飲極歡拜無忌寵姬子三人皆為朝散大夫仍載金寶繒錦十車以賜無忌上因從容言皇后無子以諷無忌



無忌對以他語上與昭儀皆不悅而罷禮部尚書許敬宗亦數勸無忌無忌厲色折之范氏曰大臣欲以義正君而先沒於利則不足以為重矣高宗欲利誘無忌使之從已無忌苟能辭官反賜使知大臣之不可誘以利亦足以格其非心矣不知出此卒致武后之怨來姦臣之謀高宗無足譏焉惜乎無忌之不學也

集覽

陽歡笑陽與佯通猶詐也

質實

從容注見漢宣帝地節三年

書法

金尚子瑋書名何幼也幼固可略乎譏也

漢獻帝建安元年此其不名

之臣為不知而默受之帝之徇欲長孫之無識皆可譏矣當日以某子三人而不名譏其工也書長孫無忌子三人為朝散大夫譏其下也

發明

匹夫無故而人予之十金則必愕然而怪懼然而懼非惡十金之獲也無因至前是固夫

人之所疑也長孫無忌身為大臣一旦天子無故  
挾寵姬以臨其家而又賜以重賄餌以高爵是雖  
甚愚之人亦必知其有所為而為之矣況高宗明  
以皇后無子為言是其意向曉然可知為無忌者  
亟當反其所賜力辭不受且叩頭避席泣告其君  
若曰臣以庸虛猥承先帝拔擢受遺輔政幸賴陛  
下聖明中外乂安老臣若可少寬微責今承聖問  
特以中宮無子為言竊惟先帝臨終屬臣以佳兒  
佳婦玉音在耳弗敢忘也陛下臨御于今五載子  
孫千億福祚未艾中宮雖曰無子要為母儀天下  
況皇太子忠已正位東宮三年矣臣非不知聖意  
所在誠恐他時無以見先帝於地下願賜臣骸骨  
屏歸田里恩賜雖榮萬死不敢祇受敢乞復歸內  
帑如此則非惟高宗知無忌之意不可回而昭儀  
異日亦無所歸怨矣不是之思乃對以他語撫機  
不發自蹈禍機故綱目於此書以無忌子三人為

朝散大夫而不言其故則見無忌濫受無名之賞  
深為可鄙此固書法之意也嗚呼無忌此機既失  
他時黔州之禍  
尚誰咎哉吁

乙卯六年春二月遣營州都督程名振等擊高麗

高麗與百濟靺鞨連兵侵新羅收三十三城新羅王  
遣使求援遣程名振蘇定方發兵擊高麗既渡遼水  
高麗逆戰名振質實營州注見漢獻帝建安十一年  
等奮擊大破之質實柳城靺鞨北狄國名注見隋文  
帝開皇十八年蘇  
定方冀州武邑人

書法

高麗前皆書伐此其書擊何無辭也嘗書入  
貢矣未聞其犯塞也而擊之斯師也為無名

矣

夏五月屯衛大將軍程知節討沙鉢羅考異

屯上漏遣字討當作

擊顯慶質實

沙鉢羅部諡號名注見太宗貞觀四年

○以韓瑗為侍中來

濟為中書令

唐因隋制後宮有貴妃淑妃德妃賢妃皆視一品上欲特置宸妃以昭儀為之韓瑗來濟諫以為故事無

之乃質實韓瑗三原人仲良之子

秋七月貶柳奭為榮州刺史質實

一統志云榮州本漢南安縣地齊屬南安

郡隋置太牢縣屬資州唐析太牢置旭川縣以縣置榮州天寶初改和義郡乾元初又為榮州宋初因之治榮德縣後陞為紹熙府元復為榮州屬嘉定路本朝初仍為州後改為縣改屬嘉定州

初武昭儀誣王后與其母為厭勝禁不得入宮因并貶與集覽厭勝注見漢章帝建初七年

### 以李義府為中書侍郎

中書舍人李義府為長孫無忌所惡左遷壁州司馬義府問計於中書舍人王德儉德儉曰上欲立武昭儀恐宰臣異議君能建策立之則轉禍為福矣義府然之叩閭表請上悅留之超拜中書侍郎於是衛尉卿許敬宗御史大夫崔義玄中丞

質實

李義府瀛州人

一統志云

壁州本漢巴郡宕渠縣地後魏置諾水縣屬萬州隋為巴州始寧縣地唐析置通江縣又於縣置壁州宋省壁州以縣屬巴州元省入曾口縣後復置本朝改屬保寧府崔義玄東武城人逞之後

### 八月始置員外同正官

書法

員外之  
名始此

○以裴行儉為西州長史

長安令裴行儉聞將立武昭儀以國家之禍必由此始與長孫無忌諸遂良私議其事袁公瑜聞之以告昭儀母楊氏

行儉坐左遷

質實

西州注見齊明帝建武四年高昌長安縣名注見漢惠帝五年裴行

儉

開喜人

九月貶褚遂良為潭州都督

上召長孫無忌李勣于志寧褚遂良入內殿遂良曰今日之召多為中宮上意既決逆之必死太尉元舅司空功臣不可使上有殺元舅功臣之名遂良起於草茅無汗馬之勞致位至此且受顧託不以死爭之

何以下見先帝勅稱疾無忌等入上曰武昭儀有子  
欲立為后何如遂良對曰皇后名家子先帝為陛下  
娶之臨崩執陛下手謂臣曰朕佳兒佳婦今以付卿  
非有大故不可廢也上不悅而罷明日又言之遂良  
曰陛下必欲立皇后請擇令族何必武氏武氏經事  
先帝衆所共知萬代之後謂陛下為何如臣今忤陛  
下意罪當死因置笏於殿階叩頭流血曰還陛下笏  
乞放歸田里上大怒命引出昭儀在簾中大言曰何  
不撲殺此獠無忌曰遂良受先朝顧命有罪不可加  
刑于志寧不敢言韓瑗因泣涕極諫上不納瑗又上  
疏曰姐已傾殷褒姒滅周每覽前古常興歎息不謂  
今日塵黷聖代陛下不用臣言臣恐宗廟不血食矣  
來濟上表曰王者立后上法乾坤必擇禮教名家幽  
閑令淑副四海之望稱神祇之心漢成以婢為后卒  
使社稷傾淪惟陛下察之上皆不納他日李勣入見  
上問之曰朕欲立武昭儀為后遂良固執以為不可

事當且已乎對曰此陛下家事何必更問外人上意遂決范氏曰高宗欲廢立而取決於李勣之一言勣若以為不可則武氏必不立矣勣非惟不諫又勸成之親賢遭禍唐室中絕皆勣之由其禍博矣太宗以勣為忠託以幼孤而其大節如此書曰知人則哲惟帝其難之信矣○許敬宗宣言於朝曰田舍翁多收十斛麥尚欲易婦况天子立一后何預諸人事而妄生異議昭儀令左右以聞貶遂良為潭州都督其後韓瑗上疏為遂良訟冤曰遂良體國忘家捐身徇物風霜其操鐵石其心社稷之舊臣陛下之賢佐無罪黜去內外咸嗟願鑒無辜稍寬非罪上不聽瑗復言曰昔微子去而殷國以亡張華存而綱紀不亂陛下無故棄逐舊臣恐非國家之福上不納胡氏曰褚遂良忠矣然昧於消息盈虛之理姑壯勿取之義毫釐不伐至用斧柯而無所及茲人謀有未盡不可歸之天數也若當武氏長髮之時率協羣公上書皇后沮



止其事深諫高宗割制邪慙勿干先帝之私悉意竭忠不遺餘力其勢必可遏也當其時而不治及事既成雖叩首出

集覽

撲殺此獠撲弱角反撲殺投擲而血無益矣擊殺之獠音老又音爪西南夷曰

獠遂良杭州人故云姐已注見隋文帝開皇九年獠氏索隱曰獠國名姓如氏按禮婦人稱國及姓其女是龍族所生妖子為人所收獠人納之于王故曰獠如枯地志云獠國故城在梁州褒城縣東古褒國也塵蹟國語晉司空季子謂文公曰男女不相及畏蹟也蹟則生怨怨亂毓災毓災滅性又晉張華女史歲曰歎不可以蹟寵不可以專張華晉武帝時人消息盈虛易豐卦日中則是月盈則食天地盈虛與時消息而況於人乎伊川先生傳曰盈虛謂盛衰消息謂進退天地之運亦隨時進退也莊子秋水篇年不可舉時不可止消息盈虛終則有始郭象注云陰消陽息夏盈冬虛氣序循環終而復始史記歷書太史公

曰黃帝建立五行起消息注正義曰皇侃云乾者陽  
生為息坤者陰死為消姑壯勿取之義易姑卦女壯  
勿用取女注姑古豆反取七喻反伊川先生傳曰一  
陰始生自是而長漸以盛矣是女之將長壯也陰長  
則陽消女壯則男弱故戒勿用取如是之女取女者  
欲其柔和順從以成家道姑乃方進之陰漸壯而敵  
陽者是以不可取也女漸壯則失男女之正家道敗  
矣姑雖一陰甚微然有漸壯之道所以戒也本義曰  
姑遇也一陰而遇五陽則女德不貞

**質實**

姐已傾殷  
按史記姐

而壯之甚也取以自配必害乎陽  
已殷王紂之后有蘇氏之女也有寵於紂其言皆從  
天下怨之周武王舉兵伐紂遂斬姐姐已褒姒滅周按  
史記褒姒周幽王之后褒人之女也王嬖褒姒廢申  
后及太子宜臼宜臼召犬戎殺王及褒姒于驪山之  
下漢成以婢為后事在鴻嘉三年杜稷注見新莽天  
鳳元年潭州注見漢獻帝興平元年微子去而殷國

以亡微子紂之庶兄見紂無道去之以存宗祀張華  
存而綱紀不亂張華范陽方城人事在晉武帝太康  
元年

書法

貶柳奭用義府黜行儉遂良皆為武  
氏也屬辭比事高宗之溺愛甚矣

發明

前書以無忌子為大夫其責在無忌此書貶  
遂良為都督其責在高宗遂良前日左遷同

州不書貶黜今此特書貶者明其無罪見貶以重  
高宗之惡耳高宗無故欲廢其后而立先君之妾  
又以無罪而黜顧命大臣一舉而  
三失具矣尚可與之有為哉吁

冬十月廢皇后王氏為庶人立昭儀武氏為皇后

詔曰武氏門著勲庸地華纓散往以才行選入後庭  
朕昔在儲歲常侍侍從嬪嬙之間未曾迕目聖情鑒

悲每垂賞歎遂以賜朕事同政君可立為皇后后上表曰陛下前以妾為宸妃韓瑗來濟面折庭爭乞加褒賞上以表示之瑗等大懼屢請去不許百官朝后於肅儀門故后王氏淑妃蕭氏並囚於別院上嘗念之間行至其所呼之王后泣對曰至尊若念疇昔使得再見日月幸甚上曰朕即有處置武后聞之大怒遣人斷去手足投酒甕中曰令二姬骨醉數日而死又斬之后數見王蕭為祟如死時狀故多在洛陽不敢歸長安胡氏曰孔子曰其身正不令而行其身不正雖令不從太宗作帝範以訓太子其事備矣然皆空言也高宗之所取法者太宗之所行爾武氏之立其以納巢刺王妃為法乎故唐世無正家之法由太宗首**集覽**門著勲庸門閑因勲庸而著顯以后父武惠也**集覽**士護嘗從高祖平京師也禮王功曰勲民功曰庸鄭玄曰王功謂輔成王業也勲者功之總名王功至大故名曰勲民功謂法施於民也庸常也國

家之民立官故有功於民謂之庸地華纓韍地胄有  
纓之榮華猶言齊纓名家也史炤曰纓冠系也韍  
以爲之黑與青畫兩已相背象君臣可否相濟也  
嬪嬙漢書注顧師古曰嬪嬙婦官也政君猶授君也  
殷本紀伊尹從湯言九主之事注劉向別錄曰九主  
者有法君專君授君勞君等君寄君破君國君三歲  
社君凡九品索隱曰按註劉向所稱九主載之七錄  
名稱甚奇不知所憑據耳法君謂用法嚴急之君若  
秦孝公及始皇等也勞君謂勤勞天下若禹稷等也  
等君等者平也謂定等威均祿賞若漢高封功臣侯  
雍適也授君謂人君不能自理而政歸其臣若燕王  
噲授子之禹授益之比也專君謂專已爲斷不任賢  
臣若漢宣之比也破君謂輕敵致寇國滅身死若楚  
伐吳漢等也寄君謂人困於下主驕於上雖可待  
故孟子謂之寄公也國君國當爲國守之此丘國謂  
完城郭利甲兵而不修德若三苗智伯之類也三歲

社君謂在襁褓而主社稷  
若周平王漢昭平等是也  
正誤  
帝為太子時宣帝以  
後官良家子王政君選太子宮生成帝元帝即位立  
政君為后即元后也唐高宗謂昔為太子時太宗以  
武氏賜朕其事與王政君同故立為皇后集覽不完  
其然乃以九主為證亡慮二百六十餘字以為政君  
猶授君若燕王噲授子之之比然則高宗立后  
之初遂有授之以政之意乎其不達事體如此  
洛陽縣名注見  
周顯王三年

### 書法

凡廢立聯書所廢因所立也是故有陰氏而  
後邪氏廢漢光武建武十七年有郁久間氏  
而後乙弗氏廢齊庚申年有武氏而后王氏廢是  
年綱目皆聯書之著所因也然則武氏弒王后何  
以不書畧之也曷為畧之武氏至於滅唐則弒后  
不足言矣終綱目書廢后為庶人三晉賈氏唐王

氏韋氏追

廢不與焉

發明

王后之廢不以罪書是無故見廢也武氏之

立前已書太宗才人則此不必再書已知其  
為先君之妾矣然則王后之死何以不書高宗昏  
於衽席動不由已故武氏一聞泣對之言殺之如  
斃大豕綱目遂不復書于冊者正以著高宗愚闇  
之失雖宮闈之內其故后為人所殺亦且不得而  
知此則綱目不書之意也嗚呼高宗至是  
雖有心腹耳目已不得而自用矣哀哉

### 以中書侍郎李義府參知政事

義府容貌溫恭與人語必嬉怡微笑而後險忌刻故  
時人謂義府笑中有刀又以其柔而害物謂之李猫  
集覽 忌刻忌嫉刻剥也一本刻作克史略曰忌謂畏  
忌憎惡克謂好勝賊害左傳今其言多忌克

發明

前書李義府為中書侍郎未見其附會之跡至此上書廢王后立武氏下書以義府參知

政事則雖不必考之於註已知其主廢立之謀矣事有不待疑照而惡自見者此類是也

丙辰顯慶元年春正月以太子忠為梁王立代王弘為皇

太子考異

以常作廢按凡例正統廢其后太子無罪曰廢某人

弘武后所生也生四年初許敬宗奏曰在東宮者所出本微今知國家已有正嫡必不自安恐非宗廟之福於是遂廢忠而立弘忠既廢官屬無敢質實東見者右庶子李安仁獨候見涕泣拜辭而去

注見宋文帝元嘉二十七年梁州名注見周報王四年漢中代州名注見秦王政二年鴈門

書法

太子廢書廢陳王成美立為太子矣其廢也雖復為陳王書廢未有書以者也此其書以



何宜廢也忠則曷為宜廢帝之立之非也立子以嫡無嫡以賢王后利忠母之易制而請之私也而遽從之綱目於此書以不書廢所以見其宜廢也是故忠不宜立則廢不書廢而書以為梁王是年旦不宜立則廢不書廢而書以為皇嗣中宗嗣聖七年終綱目書廢太子十一薛周報王十六年皆不宜廢者也惟梁王忠書以德王裕書黜與書太子廢者二魏太子恂唐太子承乾皆宜廢之辭也

發明

武氏既立則其子不但為諸王而遂已故雖太子忠已正儲極廢之猶若反掌此所以不

書廢太子而書以太子忠為梁王也嗚呼高宗憫王后之幽閑一言而速其死今又不能子其子則亦寄生焉耳可哀也哉

二月贈武士彠司徒賜爵周國公考異

據神龍元年書贈后父玄貞上

洛王則此武  
字當作后父

書法

書贈賜爵何譏私也贈未有賜爵者於是始見則士獲其人焉終綱目書贈官十一詳晉

明帝太寧三年贈賜爵三士獲  
二韋玄貞惟贈賜爵皆譏辭

### ○夏免山東丁役

上謂侍臣曰朕思養人之道未得其要來濟對曰君之養人在省征役今山東役丁歲別數萬役之則人大勞取庸則人大費願量公質實  
山東道名注見宋家所須外餘悉免之上從之  
質實  
文帝元嘉二十五年

六月詔以高祖配昊天於園丘太宗配五帝於明堂質

實

昊天注見隋恭帝義寧二年園丘注見漢後主建興十五年五帝注見漢景帝中六年明堂注見漢武帝

建元元年

○崔敦禮卒○秋七月貶王義方為萊州司戶

李義府恃寵用事洛州婦人淳于氏義色繫大理獄義府屬大理丞畢正義枉法出之將納為妾事覺義府逼正義自縊以滅口上知而不問侍御史王義方欲奏彈之先白其母曰義方為御史視姦臣不糾則不忠糾之則身危而憂及於親為不孝奈何母曰昔王陵之母殺身以成子之名汝能盡忠以事君吾死不恨義方乃奏曰義府擅殺六品寺丞就云自殺亦由畏義府威殺身以滅口如此則生殺之威不由上出漸不可長對仗叱義府令下義府顧望不退義方乃三叱義府始趨出義方乃讀彈文上以義方毀辱大臣質實萊州注見漢安帝永初二年東萊洛州注見秦莊襄王元年三川王義方泗州漣水

人王陵之母殺身以成子之名事在漢王邦三年

九月括州暴風海溢質實

一統志云括州本秦會稽郡地漢初為東甌國武帝時屬

會稽郡三國吳兼屬臨海郡晉屬永嘉郡隋廢郡置處州治括蒼尋改括州大業初復為永嘉郡唐復立括州治麗水天寶初改縉雲郡大歷中復為處州宋屬兩浙東路元改為處州路本朝改為處州府隸浙江道

冬十二月程知節討沙鉢羅不克免官

程知節引軍至鷹婆州遇西突厥前軍總管蘇定方帥五百騎馳擊敗之副總管王文度害其功矯稱別得旨以知節恃勇輕敵委文度節制遂收軍不許深入定方言於知節曰上以公為大將必不更遣軍副專以號令請因文度飛表以聞知節不從至恒篤城有羣胡歸附文度欲殺之而取其資定方曰如此乃

自為賊耳何名伐教文度竟殺之分其財獨定方不受師旋文度坐矯詔減死除名知節亦坐逗遛免官

集覽

逗遛注見漢宣帝本始三年

己丑年春正月遣蘇定方等復擊沙鉢羅

書法

前再書討矣此書擊何譏黷武也二年不克又復用師故譏之書復擊

○三月以褚遂良為桂州都督李義府兼中書令實實

桂州注見秦始皇三十三年桂林

○夏五月帝始隔日視事

上自即位每日視事宰相奏天下無虞請隔日視事許之

書法

宣帝五日一聽事不書此其書何女寵盛也故書譏之是故魏主未嘗月一視朝則書始

欽定四庫全書

御批清治通鑑綱目

卷四十一

全書

以為吳梁戊戌年謂唐世未嘗  
隔日視事則書始以為幾足年

**發明**

宣王晚朝姜氏請憇唐高祖愛衽席荒怠已  
甚是時李義府當國承望孽后之意請隔日

視事蓋欲使之得以專意房帷之樂也高宗失  
德固不足責直筆書之姑以著內荒之跡耳

### 遺天竺方士歸國

天竺方士婆娑寐自言有長生之術太宗頗信之發  
使詣婆娑羅門諸國采藥藥竟不就乃放還上即位復  
諸長安上復遣歸謂宰相曰自古安有神仙秦始皇  
漢武帝求之卒無所成果有不死之人今皆安在李  
勣對曰此人再來容髮良白已改  
於前何能長生竟未及行而死

**集覽**

婆娑羅門注見  
太宗貞觀十

三  
**質實**

天竺西域國名注見  
漢武帝元狩元年

書法

太宗嘗遣之矣不書書高宗何幾也方士以長生為術帝方極意女寵方士之方必多禁

礙其不相入宜矣綱目上書隔日視事下書遣方士歸非羨之也

發明

高宗專意房帷正欲得長生之樂何為銳於罷遣方士若是之明決哉武氏意在恣肆固

非欲其君久於享國觀之晚年帝苦頭重之時武氏怒絕醫者之語則可見矣然則斥遣方士高宗蓋得之中旨也事雖若羨而意則非是此綱目所以書於隔日視事之下以見意也

秋八月貶韓瑗來濟褚遂良皆為遠州刺史

許敬宗李義府誣奏韓瑗來濟與褚遂良潛謀不軌以桂州用武之地授遂良欲為外援遂皆坐貶瑗振州濟台州遂良愛州柳襲象州○劉洎之子訟其父定言為遂良所譖而死李義府助之給事中樂彥璋

欽定四庫全書

人

御批資治通鑑綱目

全五

曰劉洎自比伊霍不為無罪今雪洎罪則先帝為用刑不當矣上然其言事遂寢胡氏曰父有失德子不可揚而導之隱諱可也國家政刑治亂所繫苟不當理而拂人心安得避嫌而不改改之所以掩之也避嫌而不改則其失常在天下非之萬世議之是豈所以為孝乎劉洎之子欲雪父冤以褚令罪逐故假以為名庶其必行彥璋之言雖為先帝蓋用刑之失亦恐遂良由此重獲罪耳其意則是其言則非不可不察

**質實**

不軌

注見漢靈帝光和五年振州注見高祖武德五年台州注見晉孝武帝太元二年臨

海愛州注見梁武帝太清二年一統志云象州本秦桂林郡地漢為鬱林郡中溜潭中二縣地陳置象郡隋罷郡置象州治馬平大業中廢州別置象縣屬始安郡唐復置象州治陽壽縣天寶初改為象郡乾元初復為象州元改置象州路後復為州本朝以陽壽縣省入隸柳州府伊霍注見晉元帝太興元年



書法

於是柳奐不書畧之也  
至殺之則不可不書矣

詔廢六天之祀合方丘神州為一祭集覽

廢六天之祀  
自鄭玄以為

昊天上帝者天皇大帝北辰耀魄寶也及太微五帝由  
是有六天之說蓋出於春秋緯文曜鉤等書唐顯慶禮  
猶著六天之說故禮部尚書許敬宗與禮官議黜之方  
丘注見漢後主建興十五年神州注見晉懷帝永嘉五  
年  
○以許敬宗為侍中杜正倫為中書令○冬十月蘇  
定方擊沙鉢羅獲之分立興昔亡繼往絕二可汗

蘇定方至曳咥河西北沙鉢羅帥兵十萬拒戰定方擊  
敗之斬獲數萬會大雪平地二尺軍中咸請俟晴而  
行定方曰虜恃雪深謂我不能進必且休息亟追之  
可及也乃兼行至其牙帳縱兵擊之斬獲又數萬沙

鉢羅脫走趣石國定方於是息兵諸部各歸所居通  
道路置郵驛掩骸骨問疾苦盡疆場復生業凡為沙  
鉢羅所掠者悉給還之十姓安堵如故乃命蕭嗣業  
將兵追沙鉢羅獲之分西突厥地置崑陵濛池二都  
護府以彌射為興昔亡可汗押五咄陸部  
落步真為繼往絕可汗押五弩失畢部  
集覽 河西  
戎有河名曰曳咄曳羊列反咄音迭牙帳注見玄宗  
開元八年石國在西域其先本康居國其支庶分王  
之十姓初西突厥分其國為十部每部酋長各賜一  
箭謂之十箭又分左右兩通謂之十姓見太宗貞觀  
十二年五咄陸見同  
質實 安堵注見晉懷  
王五弩失畢見同上  
帝永嘉二年

以洛陽宮為東都質實

東都注見秦莊  
襄王元年三川

發明

此武氏志也武氏忌王蕭之死不居京師故  
高宗崇飾別都以處之此固綱目書法之意

也

○詔禁僧尼受父母及尊者拜○以劉祥道為黃門侍

### 郎知選事

祥道以取士傷濫每年入流之數二千四百有餘內  
外文武官萬三千四百六十五員約準三十年則萬  
三千餘人畧盡矣若年別入流者五百人足充  
所須之數望有釐革而大臣憚於改作事遂寢  
入流注見玄宗開元十七年流外質實劉祥道魏州人

### 書法

書知選事始此終綱目書知選事三刻祥道李嶠宋呈

戊午三年春正月詔行新禮

先是議者謂貞觀禮節文未備故命長孫無忌等修之時許敬宗李義府用事所損益多希旨學者非之博士蕭楚材等以為凶事非臣子所宜言敬宗義府深然之焚國恤篇凶禮遂闕

發明

禮之所重者父子君臣之分夫婦男女之別閨門內外之防而已高宗妻父之妾武氏淫

穢宮闈三綱已紊而乃詔行新禮又以許李損益其間謬可知矣直筆書之蓋譏之也

夏五月徙安西都護府於龜茲

初龜茲王布失畢妻與其相那利私通由是君臣猜阻互來告難上兩召之因那利遣左領軍郎將雷文成送布失畢歸國龜茲大將羯獵頽發衆拒之詔屯衛大將軍楊胄發兵討之擒羯獵頽誅之乃徙其安西都護府於龜茲高昌西域國名注見齊明昌但為西州都督府

質實

安西都護注見永淳元年

武四年西州

上年高昌

冬十一月貶杜正倫為橫州刺史李義府為普州刺史

統志云橫州本秦桂林郡地漢為合浦郡高梁

地孫吳分置合浦北部晉屬寧浦郡梁又分立

南廢郡置簡州治寧浦縣又改綠州大業初州

改寧浦郡乾元初復為橫州尋改南簡州又改橫州

復為州本朝初改隸潯州府尋改為橫縣後

改隸南寧府普州本漢資中牛鞞縣江德陽四

唐為普寧縣

唐復置普州尋增置樂至崇龕二縣改州

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

後

府有寵於上諸子孩抱者並列清貫而義府貪  
賕賣官需獄其門如市中書令杜正倫每以先  
處由是有隙訟  
集覽並列清貫貫籍也皆布清  
要之宦籍也貪冒注見晉

元永  
年

發明李義府以貪冒見黜胡不書以罪貶蓋寵而  
用之者高宗之私也杜正倫無罪亦例書貶  
或正倫前朝舊德不耻與小人同列又以私意  
爭不能斥言其姦是亦義府之流耳混而書之  
或

以許敬宗為中書令辛茂將為侍中○鄂公尉遲敬德

李靖  
鄂州名注見漢後  
王建興七年武昌

敬德晚年閒居學延年術不交  
還賓客凡十六年卒諡忠武

書法

書鄂公卒幸之也於是功臣之善終者鮮矣

愛州刺史褚遂良卒

書法

書幸之也其不與於四年七月之詔為大幸矣

己未四年夏四月以于志寧同三品許圜師參知政事質

實

許圜師安州安陸人紹之子

○削太尉趙公長孫無忌官封黔州

安置

武后以長孫無忌受重賜而不助已深怨之以于志寧中立不言亦不悅令許敬宗伺其隙而陷之會人

告太子洗馬韋季方罪敬宗與辛茂將鞠之季方  
自刺不死敬宗因誣奏季方欲與無忌謀反上驚曰  
舅為小人所間小生疑阻則有之何至於反敬宗曰  
反狀已具願陛下勿疑上泣曰我家不幸往年高陽  
公主與房遺愛謀反今元舅復然將若之何對曰遺  
愛乳臭兒與一女子謀反勢何所成無忌與先帝謀  
取天下天下服其智為宰相三十年百姓畏其威若  
一旦竊發內外響應陛下遣誰當之乎上曰朕決不  
忍加刑於無忌敬宗對曰漢文帝漢之賢主也其舅  
薄昭止坐殺人帝使公卿哭而殺之後世不以為非  
今無忌謀移社稷其罪與昭不可同年而語陛下少  
更遲延臣恐變生肘腋悔無及矣上以為然竟不引  
問詔削無忌官封黔州安置敬宗又奏無忌謀逆由  
褚遂良柳奭韓瑗構扇而成于志寧亦其黨也於是  
詔追削遂良官爵除奭瑗名免志寧官涼州刺史趙  
持滿多力善射其舅長孫銓無忌之族弟也銓坐無



忌流當州敬宗恐持潘作難誣以同反召至下獄訊掠備至終無異辭曰身可殺也辭不可更吏乃代為獄辭結奏誅之屍於城西親戚莫敢視友人王方翼收而葬之上聞之不罪也銓至流所縣令希旨杖殺之

**集覽**

乳臭兒言其穉猶餘乳哺臭氣也漢書是口尚乳臭顏師古曰謂其幼小也

**質實**

洗馬官名注見晉武帝泰始三年薄昭殺人帝使公卿哭而殺之事在漢文帝十年社稷注見新莽天鳳元年鵲州注見高祖武德三年涼州注見中宗景龍二年鵲州注見漢武帝元鼎六年越鵲王方翼本州人

## 六月改氏族志為姓氏錄

初太宗脩氏族志升降去取時稱允當至是許敬宗等以其書不叙武氏本望奏請改之以后族為第一

等其餘悉以仕唐官品高下為準於是士卒以軍功至位五品者豫士流時人謂之勲格。初太宗族山東士人自矜門地既脩氏族志例降一等王妃主婿皆取勲臣家而魏徵房玄齡李勣家皆歲與為婚常左右之由是舊望不減李義府為其子求婚不得恨之故以先帝之旨勸上矯其獎詔山東六族不得自為婚姻然終不能禁其哀宗落譜往往反自稱禁昏家益增厚價

以許圜師為侍中○辛茂將卒○詔許敬宗議封禪儀

敬宗請以高祖太宗俱配上帝太穆文德二后並配地祇從之

書法

書議封禪儀有之矣皆公議也未有書詔某

婦並配果禮矣乎

秋七月殺長孫無忌柳奭韓瑗

七月詔御史追柳奭韓瑗枷鎖詣涼師敬宗又遣袁公瑜詣黔州再鞠長孫無忌逼令自縊詔斬瑗奭瑗已死發驗而還籍沒三家

集覽

發驗發其屍

質實

嶺南

注見秦始皇三十三年南海

書法

於是瑗已先卒書殺何誅心也苟有誅意於其臣雖先卒必書殺所以病高宗也與前與

瑗同貶不書此何以書重殺也無忌三人不書官無官也

發明

此三人者不以故官書之亦貶之乎曰非也正以著高宗不道既已盡削其官又從而殺

之耳書法如此是其惡也

貶高履行為永州刺史于志寧為榮州刺史質實

永州注見

晉武帝太康元年零陵榮州注見永徽六年

長孫氏柳氏緣無忌與坐貶者十三人于氏貶者九人自是政歸中宮矣

冬十月思結反遣蘇定方討降之集覽

思結注見宋文帝元嘉七年

庚申五年春二月帝如并州考異

下漏還宮二字

皇后宴親戚故舊鄰里於朝堂婦人於內殿頒集覽賜有差詔并州婦人年八十已上皆版授郡君版授史炤曰版授謂不加誥命以版策授之也漢書楊賜傳割用板之恩注板詔書也

質實

并州

注見齊明帝建武四年

夏四月作合璧宮○六月朔日食○秋七月廢梁王忠為庶人

梁王忠年寢長頗不自安或衣婦人服以備刺客又數自占吉凶有告其事廢為庶人徙黔州

書法

忠為太子廢不書廢此其書廢何甚帝也立為太子固不審矣以為梁王可也而又廢之

為庶人故從無罪例書廢所以甚之也况終殺之乎

盧承慶免質實

盧承慶  
幽州人

○遣蘇定方等伐百濟降之

初百濟恃高麗之援數侵新羅新羅王上表求救詔蘇定方等率水陸十萬以伐之定方引軍自成山濟海直趣其都百濟傾國來戰大破之百濟王義慈降百濟故有五部分統三十七郡二百城七十六萬戶

詔以其地置熊津等五都督府郎將劉仁願質實成  
鎮百濟府城定方前後滅三國皆生擒其主  
注見漢後主建興十年一統志云熊津在朝鮮  
國城南故百濟海口唐置熊津都督府於此

冬十月初令皇后決百司奏事

上初苦風眩不能視百司奏事或使皇后決之后性  
明敏涉獵文史處事皆稱旨由是始委以政事權與  
人主  
伴笑

書法

書太后決事有之矣秦半氏齊太史氏未有  
皇后決事者武氏之威高宗成之也故書初

志之皇后決事綱  
目一書而已矣

發明

自永徽五年書立武氏為昭儀次年正位中  
宮至是六七年間政事施設大率皆為武氏

而發故夫柳奭罷逐緣王后也爵無忌子誘阿附  
也用李義府從表請也貶黜遂良因廷爭也廢太  
子忠欲立弘也贈武士護崇后父也貶王義方庇  
義府也隔日視事專房幃也貶責來韓沮宸妃也  
崇飾東都從武志也尊用敬宗賞主謀也竄殺無  
忌追宿怨也改氏族志升武姓也黜逐于高怒中  
立也駕如并州宴后戚也凡若此類其見於綱目  
所書者不一而足今又使之參決政事是則北鷄  
之晨固不待他年廢立而後見高宗至是太阿已  
去手矣書初令皇后決百司奏事謂之初令則是  
高宗命之也然則唐室之禍非武  
氏能禍之也高宗自禍之耳悲夫

辛酉龍朔元年夏四月遣兵部尚書任雅相等征高麗考

異按凡例用兵於臣子之僭叛曰征曰討於  
夷狄曰伐曰攻曰擊此當書擊誤作征

任雅相等及諸胡兵凡三十五軍水陸並進上欲自將大軍繼之皇后表諫乃詔班師蘇定方破高麗於涇江屢戰皆捷遂圍平壤城高麗蓋蘇文遣其子男生以精兵數萬守鴨綠水契苾何力至值冰大合引衆乘兵鼓譟而進高麗大潰斬首三萬級餘衆悉降會有詔班師乃還

**集覽**

涇江涇水蓋反涇水

出樂浪郡鏤方縣東入海一曰水出涇水縣契苾注見太宗貞觀元年

**質實**

班師注見陳後主禎

明元年一統志云涇江一名大通江在朝鮮國平壤城東舊名涇水中有朝天石唐蘇定方破虜兵於涇水即此平壤城注見隋煬帝大業八年鴨綠水注同上年鼓譟注見宋文帝元嘉二十六年

六月以西域諸國為州府

凡府八州七十六



# 徙潞王賢為沛王

沛王賢聞王勃善屬文召為脩撰時諸王鬪鷄勃戲為檄周王鷄文上見之怒曰此乃交構之漸斥勃出

沛**集覽**戲為檄周王鷄文檄刑狄反尺書也一曰檄者陳彼之惡說此之德曉慰諸人之書也王

勃本傳作為**質實**潞州名注見周報王五十三年上文檄英王鷄**質實**黨沛郡名注見秦二世二年王勃


絳州龍門人  
福時之子

鐵勒犯邊詔武衛將軍鄭仁泰等將兵討之考異此亦

擊誤作討後上元元年書劉仁軌討新羅永隆元年開耀元年書裴行儉討突厥並同

回紇同羅僕固犯邊詔以鄭仁**質實**回紇匈奴種名泰為鐵勒道行軍大總管討之**質實**注見太宗貞觀

元年同羅匈奴種名注見上  
年僕固匈奴種名注同上年



御批資治通鑑綱目卷四十